

督撫奏議卷之四

目錄

虜騎逼臨松境疏

二次題報虜情疏

番蠻攻襲堡城疏

類報獲功降番疏

續報擒獲功級疏

再報擒斬首惡疏

大破險巢捷音疏



攻破雪山捷音疏
擒斬首惡番蠻疏
剿平番蠻敘功疏

虜騎逼臨松境疏

題爲虜騎逼臨松境恭陳備禦事宜事萬曆拾
捌年捌月貳拾玖日據四川按察司整飭松
潘兵備綜理糧儲副使來經濟揭稱據松潘
衛操捕指揮龔卿揭稟本月貳拾叁日酉時
據家丁龔可應報稱有西番參人騎馬叁匹
在於地名鳳凰嘴喊叫買賣土達回寨等情
卑職當差舍旗杜世勇前往圓壩等寨探問
來歷隨據本役稟稱作兒蟬土官打發牌頭

撻荷枝來圓壩潘啞商巴石背肆寨叫前來
買賣土達肆夥各回本地口稱有插兒蟬虜
達已將爾阿壩寨打了又發虜人貳百名在
於殺鹿塘趁鹿躡路其買賣土達當於戌時
各回去訖等情稟道看得虜勢已逼松潘除
行將領等官嚴加防禦合行揭報等因到臣
并據分守四川松潘等處地方管副總兵事
叅將朱文達稟報相同據此案照本年伍月
內據該道并朱文達各稟帖據原任漳臘守

備王夢書揭報作兒蟬土達口稟有虜達土
官陸柒箇過黃河這邊居住伍月中要來迤
西地方看寺等語及查肆月內據順義王差
部落大成灣卜窩至八什等同土達執番信
赴堡投遞審譯語意在於求索西番有順義
王篆字圖書俱隨即遣歸去訖等因備報到
臣照禦夷之法不恃不來恃吾有備今據
虜情微著所當亟爲隄防卽牌行申飭該道
會同裨將等官務須殫猷竭力選將厲兵遠

偵探以察形謹烽燧以傳警據險隘深壕塹
用遏虜衝精器械置火具以嚴戰守糧芻預
爲儲足俾戎馬飽禦敵之資番部爲我藩籬
共土虜示信賞之意虜聲未有固不可張皇
以驚邊虜騎且臨卽亟傳火炮以收保斷其
要路使之退慮所歸出我奇兵使彼進無所
利庶未雨周綢繆之慮而虜人寢窺伺之謀
若逆其不來泄然忘備萬一誤事咎有所歸
等因去後至本年捌月初貳日據該道呈

叅將朱文達手本據陝西固原鎮守備丁光
宇呈蒙分守階文西固地方陸叅將帖文准
洮岷兵備錢副使手本奉總督陝西三邊軍
務兵部梅侍郎案驗據臨河歸德等將官拜
臨鞏道各塘報虜情到部看得所報順義王
帶領精兵參千於陸月拾捌日過河隨帶河
南各虜頭人馬東搶保定撒刺邊多乞台河
州馬家灘臨洮南搶洮岷松茂聲勢重大殊
爲可慮合行申飭大小將領嚴備戰守一面

差人傳與松茂該道將領等官一體隄備蒙
此移文帖備轉呈移會本道看得虜王旣到
陝西臨河距松潘邊堡止有捌日路程虜勢
已逼除加謹防禦及關威茂兵備道知會理
合呈報等因到臣又經申飭該鎮并威茂安
綿貳邊兵備將領等官整頓兵馬嚴加防禦
仍令深入遠探不時馳報外捌月貳拾日據
陝西塘報該西寧兵備副使李丁報稱准西
寧參將孫朝梁塘報據原差西海探聽通事

魯欽報稱柒月初柒日有順義王差達子到
三娘子前說稱我們頭哨人馬已到有竹子
去處職復問其州伴送武天祥等通官阿麥
當趙教巴說稱係松茂地方有一克黃台吉
過河跟不上順義王未合營一處不知槍何
處地方等情到臣隨卽徧諭各兵備將領知
悉訖今據前因該臣看得北虜自嘉靖拾壹
年入寇松潘後抵今已陸拾年中間小有窺
竊未聞大舉以故數拾年來守土之臣經略

番蠻不防北虜邊備久弛甲兵不具人心玩
易非一日矣臣見虜酋久住河西套虜鴟張
益甚知其陽順陰逆東突西奔必有今日且
漳臘之外卽係熟番土達自此一望無際草
茂路平虜騎長驅直透海套若不預爲隄備
誠恐倉卒難支故自夏間一聞番書信息雖
衆未敢遽以爲真臣心切憂之旣檄該鎮備
禦復檄三司會議亟行製造烏銃火箭等項
陸續解貯松潘至今發運不絕又大行打造
盜甲刀槍弓矢等項額備北虜長技及一應
脩守盤詰選將厲兵犒番積餉等項事務俱
當北虜情形未著邊探杳茫之時悉次第舉
行外項者臣見洮河告急連檄三路戒嚴并
移文總兵官調度兵馬以備有警策應及檄
召敘瀘叅將曹希彬備臣調遣去後但以松
邊竝無虜報不敢率易具

題今者突聞警至食坐不安臣當卽飛檄數拾
調度兵食除一面行總兵官史綱會臣軍門

計議令其將所部兵防護各鎮一面遣巨標
下遊擊將軍萬鏊挑選標兵壹千陸百餘名
將赴松潘漳臘等處協同防禦一面行龍安
叅將郭成提兵駐松林堡威茂叅將邊之垣
提兵駐西寧關倚角松潘仍催召曹希彬將
原部遊兵守壘溪并檄松潘兵備來經濟威
茂兵備李承志安綿兵備張世則巡閱關堡
親督戰守管副總兵事朱文達漳臘守備孔
憲卿堅守減堡務遏虜衝一面召天全六番
招討司播州宣慰司土兵共陸千名赴巨軍
門調遣以備虜騎衆多或復久牧一面召敘
馬瀘兵備叅政李士達將所部兵壹千名并
上川南叅政武尚耕川東叅議丁此呂俱候
至臣軍門分授監軍督糧查閱城堡等項各
職事一面檄布政司及成都府買運糧米計
給行糧賞賚外臣尚思親發各邊輪戍軍兵
後卽提旅巡邊居中調度誓靖疆場以報
陛下事關緊急虜情當先馳

奏緣係虜騎逼臨松境恭陳備禦事宜事理爲
此具本謹具題

知

二次題報虜情疏

題爲申報虜情事萬曆拾捌年玖月拾叁日據
松潘兵備道副使來經濟揭報探得搶虜頭
哨人馬捌月初捌日打爾阿壩寨各番子正
在地上割青稞被殺壹百餘人次日寨內番
子各備器械到狹路等截殺虜數拾人各虜
於貳拾肆日奔到殺鹿塘打圍以致作兒革
買賣土達雖經土官差人叫出邊去因聞前
面虜信遂退轉黃勝草場動蕩壩依山劄住

比路祈命等寨熟番出邊採大黃者亦各回寨至參拾日哨探人回稱說毛兒革寨番子降虜各虜將本寨番子如家中有拾人者抽陸人有伍人者抽參人仍要每家有茶的要茶壹塊無茶的要牛壹隻殺作路上喫用復去爾阿壩寨報讎因此作兒革買賣達子聞說前虜已離殺鹿塘故於參拾日早各馱茶塊回去等情到職看得北虜前到殺鹿塘止離松潘邊口貳日路雖稱打圍實採茂處虛實今報復去爾阿壩寨復讎而倏去倏來出我不意亦未可知也已會同副總兵官加謹防禦相機剿處威茂參將邊之垣貳拾柒日統領軍兵伍百名到西寧關各犒賞安插訖龍安參將郭成於玖月初壹日亦帶領家兵土兵前到松林堡往劄本月初參日酉時又據漳臘守備孔憲卿絕塞墩防守練兵鎮撫路中達各揭報作兒革土達一起貳拾肆人各騎單馬趕牛陸拾隻羊參百隻到絕塞

墩河西一起參人趕羊陸拾隻牛朱隻到鎮
虜堡外川盼溝等因該本職看得捌月貳拾
肆日據作兒革土官差人說稱大虜頭哨人
馬已到殺鹿塘故叫回買賣土達今未拾日
豈得做買賣土達便又有一番到松潘也事
誠可疑隨會副總兵官委操捕指揮龔卿星
夜到絕塞墩將各達拒住邊外仍諭各達如
情願在邊外交易且借官茶頓易牛羊進口
如各達不肯在邊外交易任其趕回或使性
作歹亦便相機處之也蓋作兒革土達近已
投拜大虜設或放進萬一虜襲於外細作潛
應於內卽中狡虜計矣故不得不暫拒之乃
今各達亦順從在邊交易矣若大虜蹤跡據
哨探人回報說離邊參兩日路外未見有來
者大都虜態不測本職會同副總兵官仰體
兩院軫念相機區處無敢怠忽同日又據松
潘管副總兵事叅將朱文達亦揭報前事相
同及稱殺鹿塘原到達子報去爾阿壩復讎

今竝未見蹤跡本職思得虜情狡猾又於禦
寇流沙鎮虜虹橋絕塞撈撒等營隘添挖品
坑險坎安置欄馬鹿角柞虜經道路暗埋釘
板鐵稜角本職仍不時往來巡警不敢怠忽
儻有動靜即會松潘道相機區處拾肆日又
據龍安叅將郭成呈稱蒙兩院牌催本職提
兵速詣松林堡防禦虜情本職到彼劄營查
得近報羊洞毛公諸番結連韓昉兒白利及
作兒革聲言突出東路爲患蕭牆之內尤當
預防等因各揭報到臣案查本年捌月貳拾
玖日據松潘兵總官報稱插兒革虜達巴將
爾阿壩寨打了又發虜人貳百在於殺鹿塘
趁鹿躡路虜勢已逼松潘等情到臣隨卽具
疏并調集軍兵運發糧賞等項事宜於玖月
初壹日馳

奏仍不時申飭各兵備將領等官加謹隄防去
後今據前因該臣看得土達土番曰作兒革
白利猫兒革爾阿壩等枝於萬曆初年因賓

免過河住牧威快各夷業已投順載在萬曆
參年撫按官曾 等會

奏疏中章章可攷又檢查捌年內松潘道呈報
據牟兒革報稱虜夷切當兒蚌領達子約有
壹千打了生番爾阿壩頭畜盡數趕去殺死
男婦無數又打牟兒革肆戶則達番之被其
虔劉受其驅制自萬曆初以至於今非一日
矣茲者醜虜恃其聲勢重大突戕番種而次
日旋被截殺之禍雖聲言報復然又不見跡

卽哨探亦無所得故作兒革猶趕逐牛羊赴
松交易情偽誠未可知然臣之飛檄該鎮令
其盤詰奸細慎內外出入之防撫結達番得
間諜拒守之用不啻再四矣茲兵總官拒之
於外使不得窺我險易交易不絕使其樂我
可依誠爲得策至於各部熟番則悉爲我屏
障臣厚發犒賞番漢銀兩令該道便宜撫結
據兵備來經濟揭稱北路各番南路摘林洞
寺及上下牟尼溝各番凡經虜馬可到者遵

奉軍門憲諭從厚犒賞上官番牌待以卓席散番犒以牛酒副總兵及印操等官與之盟約曰能用計擒斬虜照格給賞番人喜悅願出力協守矣東西貳間道誠如軍門遠鑒今三舍地方行龍安郭叅將劄營松林堡望山關雪欄關地方著落把總官于承恩劄營撈撒頂流沙關地方著落把總官汪度劄營本關加謹防守可無大慮禦寇墩在松城虹橋關之中虜雖竊入無能爲也今亦開壕挖塹

等因到臣此熟番處置之已定也惟是羊洞生番向因虜酋搶洮彼處洮岷松小之間若虜逼近其地彼必奔突於內不無乘機生亂臣先因龍安知府阮尚賓具報即嚴行添兵防堵增設關險臣遣遊擊將軍將標兵赴松鎮不取道墨茂而取道龍安正以大兵經過彼且寒心頃總兵史綱赴臣軍門會議臣令其將兵駐小河一以倚角松潘一以彈壓生番也然彼番醜蠢不過待虜而動耳夫虜

之偵我猶我之偵虜也虜已至殺鹿塘而復
返焉知不爲我之有備乎臣業已調遣土漢
官兵兩路竝進雲屯雪山以靜待動運發半
年之餉以飽待饑官兵人人厚犒皆有踴躍
赴敵之氣臣策虜之來野無所掠必不能久
住且多所喪亡而歸惟時諸將正嚴兵以待
若生番敢於爲亂將剪滅此而後朝食矣除
臣與按臣申飭大小將吏朝夕戒嚴無敢弛
備外事關虜情理合

題報緣係申報虜情事理爲此具本謹具題

知

番蠻攻襲堡城疏

題為地方節報番情事萬曆拾捌年拾貳月初
拾日據四川布政司整飭威茂兵備綜理糧
儲右叅議兼按察司僉事許守恩呈據管糧
茂遊擊事指揮曹守爵稟帖差旗軍傅谷成
赴道報稱據柒族寨土兵黑卜報稱本月初
柒日寅時被楊柳麥兒白泥等寨約衆千餘
侵犯新橋堡已經督率遊兵前去策應稟乞
賜發精兵烏銳追捕等情隨該本道牌行茂

州并茂州衛揀選城操軍兵并調三長官司
土兵共玖百名選差指揮王繼祖李長庚千
戶顧以亮百戶張問仁馮爵鄒忠良江朝宗
等督率前去及差千戶竇縉追取撤回天全
土兵肆百名同差來旗牌官張光啓一併俱
赴新橋堡策應緣由到臣臣批據報畚情該
道已調兵追捕仍即移駐適中處所會同叅
將邊之垣一面相機行事一面不時馳報以
憑施行儻或畚勢果衆即便移文松潘道酌
量發兵應援此繳本月拾壹日又據該道呈
據松溪堡百戶王堯稟稱據熟畚日哲報稱
巴豬曆日等寨差畚貳箇隨帶木刻到黑苦
柒族說稱上面寨分因軍馬過來疑是要打
他們寨子如今商量做事也是死不做事也
是死殺牛齊心叫各處蠻子壞地方黑苦寨
蠻子當備茶飯酒肉與來的蠻子喫了柒族
只在這一兩日來堡壞事又據把守指揮杜
明陽稟據實大關百戶方興等稟稱熟畚黃

毛猪兒子回稱楊柳麥兒牛尾巴巴等寨蠻子
傳稱各處寨子帶木刻與巴猪伍族大小曆
日黑苦等寨番蠻一齊壞事又據王光稟報
黑苦柒族已經殺牛齊心各帶器具准在一
兩日來堡照新橋殺人大做一場上要它擦
耳崖下要它斷千工嶺又據長安堡百戶阮
進稟稱巴猪曆日雙馬列角三姐等寨糾聚
黑苦番蠻要來松溪韓胡長安椒園鎮戎一
帶攻打堡城又據領兵指揮王繼祖等稟稱
星夜至穆肅堡傳聞新橋堡被番夷燒劫除
兼程前進俱報到道及查將領止有邊之垣
見在松潘防虜看得楊柳麥兒白泥等寨番
蠻燒劫新橋堡鉅帶木刻糾集各寨已調前
項官兵分布豐路應援缺乏火具乞行解發
仍調取將官前來協理及調兵策應除襲犯
新橋堡查明另報等因到臣臣批據報各寨
番蠻聚衆襲堡防守官兵所司何事仰道一
面督兵誅捕一面將起釁緣由及失事員役

併查的確速報以憑具

題仍嚴行申飭其餘關堡加謹隄備用保無虞
此繳隨行松潘兵備道將原調禦虜播州土
官楊應龍土兵柴千餘員名令叅將邊之垣
統領星夜自壯路樸剿前來又挑選標操等兵
千數百名令都司僉書田中科等統自省内
外馳去策應并行都司星夜解發烏銃火藥
鉛彈火繩火箭等項百餘臺聽用本月拾貳
日又據該道呈為大勢番蠻攻襲堡城事據
指揮曹守爵遊兵標捕千戶張啟差軍葉永
壽呈報本月初柒日寅時忽據柒族寨驪塘
土兵黑卜急報牛尾麻荅楊柳麥兒白泥和
尚石甯龍池燒炭結別魚兒索多勒谷白蠟
等寨糾聚松坪黑水王賽等寨惡番約數千
餘於初陸日夜襲新橋堡時將壘溪所城倉
庫門禁專交掌印千戶陶克孝防守各職督
兵策應相去途遠卒難救濟及至到彼堡已
被襲突入於本堡與番對敵追退上界當陣

火器打死數番番衆我寡不能獲級回堡驗
得殺死主戍軍人男婦數拾名口被虜并逃
竄軍人婦女一半當已救回掌貼千百戶梁
繼武謝繼祖并家眷人口及主戍軍黃辛二
等百拾名口半被輕傷各職督兵護送回壘
方至中途番衆隨來拆窰漢關上界海螺洞
險路復統遊兵追敵彼番盡劄官道多半又去
攻犯普安各職自辰與番鏖戰天晚所城孤
懸恐顧彼失此且有印信銅牌倉庫干係只
得撤兵回所城固守又據土舍郁從禮報稱
河東熟番葫蘆寨被燒又去打石灰溝寨
熟番備牛五條麥酒五缸饋與番衆方保身
寨普安路阻不通消息內有把守掌貼主戍
官兵參百餘名防守又據熟番報稱實大新
堡河西生番并永太等堡河西樹底雙橋等
寨諸番糾集勢大等情俱報到道看得番蠻
燒劫新橋又犯普安等堡已該本道點選官
兵分撥守把黑苦巴猪大小曆日等寨緊關

松溪穆肅實大等堡并前去新橋應援普安
但賊衆軍寡乞發大兵并糧餉前來協濟等
因到臣隨行都司催發造成火器并行布政
司解發糧銀聽支及催取原選禦虜天全高
伸德黎州大渡河指揮曹銓等土漢兵馳赴
策應又移文總兵史綱提兵星夜前來及行
松茂安綿各兵備道申飭關堡把守等官兵
加謹隄備間同日又據該道呈報番勢緊急
請兵來援大略相同又據松潘兵備道呈據
署平番守備事指揮余坤并鎮平把守指揮
吳鼎臣等各揭報靖夷堡差軍飛報據番牌
麻子兒子傳說壘溪新橋地方被白泥楊柳
等寨番蠻聚集松坪黑水等番將壘溪地名海
螺洞窰斷侵犯新橋普安貳堡各番找搭橋
道於新橋水口平定堡掌堡官李東陽稟稱
准普安堡說帖報初陸日夜楊柳等寨番蠻
侵犯普安新橋音信難通速報兵總貳府發
兵來護等情到道看得壘溪所轄白泥等番

突犯普新貳堡該道諒有處分緣係松潘鄰
堡相應發兵救援即移文管副總兵事叅將
朱文達調撥標下把總官路中達部兵伍百
名見劄撈撒嶺防虜把總官于承恩部兵伍
百名共壹千名朱叅將統督先到永鎮堡劄
住相機撲剿仍移文見劄漳臘防虜叅將邊
之垣督楊應龍前來再探番情緊急即挑精
壯苗兵數千至永鎮與朱叅將合兵夾剿又
據朱文達稟報相同續據威茂兵備道呈據
領兵指揮王繼祖等報稱初拾日領軍前去
普安堡策應行至白土崖與番對敵烏銃打
傷番蠻數拾餘名搶獲被番捉虜新橋戍軍
壹名楊四老番蠻於普安搭橋叁座俱拆毀
隨准叅將朱文達飛報初拾日未時督夜不
收壹百名標兵壹千名分戰衝敵大勢惡番
救護永鎮太平普安叁堡百子烏銃打死番
蠻百餘被番搶馱回寨獲功貳顆另解戰兵輕
傷百餘名追趕各番過河去訖當將本鎮左

膊輕傷壹箭又據管遊擊事指揮曹守爵報稱督同領兵指揮王繼祖等中軍千戶張啓坐營指揮陳道南掌印千戶陶克孝儒學李仕道率兵劄住新橋得通直抵普安把守鄧承業素經戰陣固守嚴密堡城保全隨據北路把守杜明陽報據實大關百戶方興等報稱拾壹日被巴猪等寨番蠻數百來犯隨用烏銃矢石敵退將本堡上界偏橋邊墻路道拚挖復回搭橋又報韓胡堡被黑苦等寨番於拾壹日壹更分前來侵犯戰敵天明用烏銃打退各報到道看得疊路永太等堡見有朱叅將并本道行委指揮王繼祖等策應追退番蠻此在疊路幸有小勝若疊路之南及北路各番尚候調發軍馬夾剿等因到臣又添發指揮吳繼勳領標兵叁百名前去協捕隨據該道呈據把守杜明陽報據穆肅堡百戶李宗裕稟報番蠻犯堡即率巡軍趙阿牛等玖拾名并長寧堡軍前去該堡策應與番

對敵當陣烏銃打死參番打傷貳拾餘番奔散橋頭坡聚劄番多難以窮追隨將各軍撤回驗得軍人常阿通等捌名各帶有箭傷等情到道備呈轉報又據該道呈准叅將邊之垣手本統領土官楊應龍土兵直抵太平普安等堡與對河諸番接戰楊應龍等奮勇向前將各番追至楊柳溝賊巢當陣斬獲惡番首級拾顆奪獲番牛陸隻羊陸隻大甲孛肩鐵辦腦包皮盔大刀弓箭哈叻皮牌板牌共貳拾壹件又准邊叅將手本據新堡子報稱番蠻犯堡勢急本叅曾播兵同楊應龍於拾叁日抵馬路是夜暗入新堡子遂解其危復當陣斬獲首級柒顆等因到臣臣竊照威茂諸番阻險恃衆稔惡有歲自大征之後益懷報復屢肆邀劫而南路各關堡殊小所容軍人無幾尚不當一村落番人男婦時時入城貿易羈縻不絕我稍厲兵則善疑自伍月間傳有虜警以來臣節牌行松茂各道撫防番

蠻不啻數四頃玳月間虜報緊急各漢土官
兵陸續兩路赴松防禦臣軍令頗嚴所過番
漢地方秋毫無擾臣復慮番夷妄疑先發大
牌拾餘面傳諭各路番寨告以大兵經過為
防北虜令勿驚疑故附近松潘諸番業已輸
心為用附近東路羊峒諸番聞兵過業已震
懾獨南路白泥等寨原係先次漏網未剿醜
類自疑追誅雖奉牌諭執迷不悟外佯畏威
收斂實欲乘機侵犯見得新橋堡隘小內中
主戍官軍止壹百伍拾員名又無一民遂誑
言煽惑糾合諸寨擊牛飲血誓圖狂逞而地
方各官曾預無壹言報臣者及至本月初柒日
丑時天尚未明暗用竹索過江乘新橋堡開
門載米而出突然擁衆入城肆行焚劫被殺
數十人餘衆扶傷逃竄又徧糾遠近各寨欲
分劫各堡臣當卽徵調諸路官兵星夜馳赴
應援剿捕一面多牌曉諭解散未動各番被
害軍人家口臣已牌行優恤一應失事情由

除查的另報并聽巡按御史核

奏外臣知不能燭於未形變不能弭於未至但知厚集兵力以防虜不虞番懷狡詐而弄兵誠無所逃罪矣顧惟南蠻叛服不常乃其天性即今不犯儻異日虜馬南下必且翼虎之威內外響應使我疲於奔命今見虜無動靜輒敢自逞猖狂問罪興師何逃

天討臣自聞虜警以來區畫兵食除三邊年例正支外臣顛運軍興見儲肆萬石行糧折支及犒兵鼓番等費銀兩俱陸續解發兵備道動支火器火藥等項解發各邊至今未絕鐵盔鐵甲蜀從來所無者臣久行都司打造徵調防禦及訓練聽調各漢土官兵倉卒有警可得萬眾亦欲防患未然而封疆數千里中間番蠻繡錯數百部關堡零星太多軍兵分布益寡一處不戒寇起門庭是臣力小任重所致也各將誰諉惟此戎心既啓勢當撲滅乘我封人懷怒將士鼓勇先登一舉而翦除之

剿逆掃穴撫順攻心脫逢虜騎入川我得一
意外備則及今猶可為也臣暫戴罪督兵聽
候處分外伏乞

勅下該部將臣卽

賜罷黜以明不效之罪仍選壯猷之臣代臣剿賊
以成廓清之烈臣不任悚息俟

命之至緣係地方節報番情事理未敢擅便為此
具本謹題請

旨

類報獲功降番疏

題爲類報斬獲番級并投降降番寨事據四川按
察司整飭松潘兵備綜理糧儲副使來經濟
呈報萬曆拾捌年拾貳月拾壹日准管松潘
副總兵事叅將朱文達手本內稱本月初玖
日本職督夜不收馬錦等并把總路中達于
承恩部兵於初拾日直抵太平堡地名畫佛
崖與番交戰本職左膊被箭射傷帶傷軍兵
胡自化等驗實柴拾餘名各兵奮勇齊放百

子烏銃打傷各番數多夜不收杜世言等當
陣斬級貳顆各番敗退續又淮南路叅將邊
之垣手本內稱本職督播州土官楊應龍統
兵於拾壹日會同叅將朱文達官兵攻打楊
柳溝麥兒等寨斬獲賊級拾顆燒燬碉寨壹
百餘間奪獲牛羊器械又准叅將朱文達手
本內稱督邊之垣楊應龍等兵直擣楊柳麥
兒等寨乘勢攻打牛尾隨據本寨番牌長保
兒子雜毛黑卜後稱而今到關堡為害氣惱
上司都是楊柳溝番牌黑卜白什兒子索科
兒子一夥作歹我們都做白人今見官兵打
寨拾分害怕情願去拏黑卜等殺了獻功認
守地方等情本職看得長保兒子雜毛黑卜
投說前情似非虛詐限貳日內獻功饒死本
月拾肆日隨據長保兒子殺得楊柳溝番牌
黑卜等首級柒顆活拏幼番貳名案查先據
署平番守備事指揮余坤并鎮平把守指揮
吳鼎臣等各揭報新橋普安等堡被番蠻犯

急又報新橋堡已被燒劫等情到道該本道先奉本院憲諭地方重務許便宜行事隨督叅將朱文達統標兵并松軍壹千壹百名又督防虜叅將邊之垣統楊應龍部兵馳赴永鎮仍發銀懸示破賊本道親詣本堡驗得前項功次楊柳溝斬級拾顆內削幼番級壹顆其餘玖顆俱壯大真正又朱文達部兵先斬番級貳顆并據牛尾寨番牌長保兒子等斬獻番級柒顆共玖顆俱壯大真正喚通事張

巴住譯審幼番壹名驢兒結指認內壹顆是伊父黑卜首級壹名著兒結指認內壹顆是伊父白什兒子首級等因隨將幼番貳名賊級壹拾捌顆差官呈解到臣又據四川布政司整飭威茂兵備綜理糧儲右叅議兼按察司僉事許守恩呈准叅將邊之垣手本統楊應龍兵勇於拾貳月拾壹日應援普安太平之圍拾叁日接據馬路堡速報新堡子被巴豬等寨番蠻犯堡勢急本叅督楊應龍前兵

於本日直抵馬路夜入新堡其圍方解當陳
斬獲首級宋顆該本道驗得解到止伍顆其
貳顆旣斬被番衆奪回再三面審各兵是實
又據楊應龍呈報被黑苦寨番蠻犯松揆堡
督率目把何邦傑等出城對敵斬獲首級參
顆甲壹領本月貳拾肆日本道親臨新橋堡
督邊之垣統楊應龍兵勇攻打麥兒寨斬獲
首級參顆奪獲皮申貳領箭筒弓刀叁件將
寨用火燒燬貳拾伍日永鎮堡掌貼千戶朱

世祿王宗斌督旗軍馬小二等斬獲楊柳溝
寨惡番首級壹顆共壹拾貳顆并番物擬合
解報又據該道呈據朱世祿等呈稱白泥等
寨番蠻攻犯新橋普安朱邊貳將帶領城操
軍兵播州土兵前來策應有牛尾巴寨番牌
長受保等懼死情願投降央請麻荅寨坎上
寨羅蔔寨各番牌究殺么曹亮兒子等同赴
朱叅將處替告免死伊番不敢助惡壞事照
夷俗砍狗發誓鋸立木刻貳扇遵奉軍門白

碑傳諭各番利害於拾捌日同三寨衆番照前盟誓背認地方投降甲貳領給蘿蔔溝寨熟番執照訖本月貳拾日據實大關百戶方輿韋朝舉呈報奉本道抄謄軍門牌諭差通把鄧來保熊天保等調集雙馬列角貳寨番蠻前來隔河傳諭

朝廷軍威殺伐利害諸番譯稱只因上面和尚白泥燒炭巴猪曆日白卜等寨蠻子鋸散木刻叫我各寨齊心說是如今大兵要來打我們寨子商議一齊出來壞事我們只得聽從他們如大兵不殺我們情願投拜等語看得各番先聚為患今見官兵畏懼隨據雙馬寨番碑哭列生兒加哭列兒子等引領河西大寨番蠻容卜多惹太等壹拾伍名獻出甲壹領黃牛壹隻羊壹隻豬臄半張列角寨牌頭說格等引領河西大寨番蠻多惹孫孫么兒子等壹拾貳名獻出黃牛壹隻豬臄半張番甲壹領本月貳拾肆日又據管遊擊事指揮

曹守爵壘路把守指揮鄧承業壘溪所掌印
千戶陶克孝中軍千戶張啓督同土舍郁從
禮令通事窩坡等帶領龍池寨番蠻和讓等
潔白寨番蠻來保兒子等魚兒寨阿則等勒
骨寨番蠻央保兒等燒炭灣寨番蠻耳不鼠
等索多寨番蠻銀兒等投獻皮甲陸領皮牌
陸面弓箭陸副羊壹隻效順永不作歹赴本
道投拜卷查本道未奉憲牌之先出示傳諭
各番隨據岳希蓬長官司土舍坤安引番投
為歸順安生事據粟渴寨番牌海押五朱太
兒大合押等連名投稱我們原係小姓遵守
朝廷法度不敢壞事如今上面蠻子劫堡我粟
渴寨雖與黑苔同溝大小姓不同如有機密
事情我們就來報信今奉傳諭依俗砍狗擔
願鋸立木刻一樣貳塊投降當給花紅羊酒
犒賞訖永鎮實大貳關堡并壘溪所番蠻遵
奉譯諭亦動花紅羊酒犒賞仍令堡官置立
木刻旗令給雙馬列角龍池潔白魚兒燒炭

勤骨索多等寨執照投獻番甲等件發茂州
貯庫等因到臣案查先據該道呈報楊柳等
寨番蠻糾犯新橋堡巴猪等寨番蠻約集黑
苔朵族要犯松溪實大新堡等關堡及稱新
橋堡於初陸日夜被番燒劫隨該松潘兵備
副使來經濟督發叅將朱文達邊之垣統領
標兵土兵馳赴策應獲有功級各報到臣臣
隨具疏并将前項朱文達部兵斬級貳顆及
同邊之垣督播州楊應龍土兵斬獲楊柳溝
賊級拾顆奪獲十羊器械又邊之垣督播兵
赴新堡于原報斬級朱顆於本月拾陸日具
題復累次出給碑示行該道諭安未動及脅從
諸番若能擒斬獻功投降效順者免剿仍照
格犒賞并行三司會同各道集議兵糧尅期
大征去後今據前因擬合類報緣係類報斬
獲番級并投降番寨事理為此具本謹具題

知

續報擒獲功級疏

題爲續報擒斬惡番事萬曆拾玖年正月初拾
日據四川按察司整飭松潘兵備綜理糧儲
副使來經濟稟揭准管松潘副總兵事叅將
朱文達手本於拾捌年拾貳月拾捌日據原
招撫牛尾寨番牌長保兒子斬獻楊柳溝番
牌蒿兒柘首級壹顆到職轉解紀驗又准本
叅手本據標下畱守普安等堡練兵把總官
路中達揭報拾貳月貳拾肆日有原劫新橋

堡麥兒寨惡番聚集於隔河射箭架險卑職
率兵同播州楊應龍等兵過河直抵原寨各
番迎敵我兵奮勇斬獲番賊首級參顆輕傷
標兵向中功級亦解紀驗該本道驗得番級
共肆顆俱壯大真正合先稟報等因正月拾
柒日又據四川布政司整飭威茂兵備綜理
糧儲右叅議兼按察司僉事許守恩呈據壘
路把守指揮鄴承業呈解擒獲惡番壹名丟
兒結審係石嘴寨番牌黑卜嫡子拾貳月初

柒日白泥楊柳等番犯新橋有父黑卜立爲
卦師打索卦引我跟他一路領蠻搶殺得步
財物回寨今叫我來探聽官軍等情解道轉
解間隨准協守松潘南路叅將邊之垣手本
內稱節奉院道明文備行本職統領土官楊
應龍兵勇駐劄疊路關堡相機剿捕隨將官
兵分劄各堡安營防禦於正月初肆日夜被
番搭橋驚擾新橋營壘當即截戰我官兵奮
不顧身一半躡水一半就橋渡河追至白泥寨與

番交鋒當陣斬獲首級壹拾捌顆生擒貳番
奪得鐵盔哈喇木弓大刀大甲拾件副軍兵
輕傷何敬學文學重傷李寵王卿陣亡王仲
餘皆全勝功級器械俱解到道本道會同今
委監軍敘馬瀘兵備叅政李士達驗得首級
俱係真正惡番內貳顆係幼番級及審生擒
丟兒結係石嘴寨首惡哭折白地太貳名係
麥兒寨首惡理合呈解等因本日又據該道
呈稱准叅將邊之垣手本准本道移文解到

賞銀隨宜犒給隨即拘喚牛尾麻谷貳寨降
番納麻結曹亮兒子等到職傳諭擒斬首惡
去後至正月初玖日據各番斬獲白泥寨麥
兒寨首惡番級捌顆本職驗明於前銀內動
支每顆賞伍兩激勵各番仍傳諭多方緝捕
首惡至日重加犒賞安慰各番回寨將功級
解道亦會同叅政李士達驗得降番納麻結
等斬獲白泥麥兒寨有名惡番首級陸顆著
普係白泥寨葉華阿呼姪子灣科大王結財

主兒子棄地俱係麥兒寨又麥兒寨散番首級貳顆俱係真正番賊等因本月拾捌日又據該道呈稱准叅將邊之垣手本於正月拾壹日據石灰溝土兵黑兒結等斬獲楊柳麥兒首惡番級貳顆到職解道紀驗間又准本叅手本內稱初玖日據塘報李芳赴職報稱地名石洞子有大碉房壹所藏伏番蠻叁拾有餘等語隨發播兵貳百名前去相機戰守各兵到彼圍困甚急各番惟射矢不出接戰自行舉火焚碉燒死在內傳令掘挖止獲燒級伍顆餘屍盡行燒燬得滅惡黨叁拾餘番將功級解道會同驗得斬級貳顆內壹顆係楊柳溝卦師牟昔壹顆係麥兒惡番哭太燒級伍顆俱係真正惡番等因節次呈解到臣案查松茂貳道前次呈報官兵擒斬惡番叁拾貳名顆并牛尾雙馬等拾壹寨投降事理已經類報去後今據前因除將今次貳道續報擒斬惡番共肆拾名顆發按察司覆行審

驗通聽巡按御史覈查外理合具

題緣係續報擒斬惡番事理爲此具本謹具題

知

再報擒斬首惡跡

題爲生擒首惡逆番并續報節斬番級事據欽
馬瀘兵備監軍右叅政李士達威茂兵備協
理監軍右叅議許守恩會揭准松潘兵備道
關准管副總兵事叅將未文達手本內開本
年三月二十日本職前往南路預備進兵事
宜據呷竹寨喇麻灣卜密報白泥麥兒松坪
等寨首惡阿呼并伊弟惡卜塔潛住列柯寨
後山溝內大狗兒子若殺小黑兒結殺奔西

坡下二族寨內挿柘長耳多投奔思峇地并
鹿卜寨內等情本職卽行守備史可觀把守
指揮吳鼎臣中軍指揮龔卿及平定等掌堡
官李東陽陳萬言陳忠敏路上進旗甲通事
張伯楚子各帶領軍兵接應仍諭喇麻灣卜
帶領散番六七十名前到列柯寨後山溝內
拏獲阿呼惡卜塔二名又到西坡寨著落番
牌川柯等緝縛大狗兒子若救小黑兒結三
名鹿卜寨番牌哭竹等緝縛長耳多一名又

軍兵李文勝等捕獲挿柘一名於二卜五六
等日送職審俱活捉首惡當動官銀并買酒
肉量賞獲功番兵訖案照萬曆十八年十二
月內據報白泥等寨惡番襲劫新橋堡連攻
普安太平永鎮勢甚危急本職統兵先到畫
佛崖衝鋒解圍又督叅將邊之垣土官楊應
龍直搗楊柳溝岑兒等寨并撫牛尾巴番牌
長保兒子等擒斬番人番級各陸續解驗今
蒙軍門督調大兵尅日進剿竊料惡番必然

東竄西奔隨將鄰近白泥麥兒等寨松番呷
竹寨喇麻灣卜西坡等寨番牌川柯等先用
銀牌花紅牛酒厚加犒賞隨諭龍套惡番有
來投躲者切不可輕動密密報我待我布下
軍兵你們方活拏紿解厚厚領賞各番依從
今據活捉劫堡首惡阿呼長耳多等七名合
行移報等因該本道牌行指揮龔卿前到鎮
平堡提弔阿呼等前來發松潘監收通判尹
希孔會同委官推官張允升詳審據阿呼供
稱同弟惡卜塔叔大狗兒子若殺四名俱係
小麥兒寨番蠻長耳多與姪小黑兒結二名
俱係大麥兒寨番蠻插柘卽插柘黑卜係松
坪爾壩寨番蠻會打索卦去年十二月初一
日阿呼等請插柘黑卜卦占新橋堡可破隨
傳木刻調松坪燒炭龍池白臘白泥楊柳等
寨番蠻於本月初七日鷄叫時候襲入新橋
殺虜人財回寨將銀二兩布襖一件護膝一
雙送謝插柘黑卜接受今聽得官兵勢大插

柘黑卜從松坪出到思峇地打聽大兵消息
阿呼潛住列柯寨山溝惡卜塔同大狗兒子
小黑兒結若殺投奔西坡寨長耳多投鹿卜
寨被呷竹寨喇麻灣卜密報朱副將帶領散
番官兵活拏紲縛等情是的具由回報本道
看得阿呼等七名固皆構番劫堡首惡而阿
呼長耳多尤二傑也今朱副將厚撫松番密
謀定筭故七賊雖黠一旦生擒等因移關到
道該二道會同總兵官史綱譯審相同看得

小麥兒寨首惡阿呼名為一寨魁渠實則九
氏元慙蓋以狡慧而通漢語且其弟惡卜塔
爲之助住居與新橋僅隔一水所垂涎於此
堡而流毒於大路者非一日矣大狗兒子卽
大口兒子與若殺皆有名次惡而長耳多窮
兇極黠為大麥兒寨之謀主小黑兒結卽其
姪也長耳多所藏銀寶十餘錠番寨中以銀
寶為重蓄至二三者卽可雄視一方號召諸
番若長耳多者最稱富疆群醜之所環向而

莫與敵也頃者集猖狂之衆實出此酋以銀寶作兵符衆迺為之嚮應至於挿柘黑卜松坪爾壩寨一老蠻素以占卜為衆蠻宗蠻欲劫捨哨道必問挿柘而後出出必勝蠻益以為靈號稱卦師猶華人所謂軍師也舊年十二月內阿呼糾猖群番以襲劫關堡之事問挿柘迺謂新橋可破普安不可破是以松坪各寨從之而襲劫新橋者六百人則卦兆使之也彼其卦以索顧所言無不驗者其為術亦頗異而每卦必以二金為謝此番賊所信以決逆謀者也罪宜不在阿呼下及查爾壩卽兒杳蓋松坪大寨云要之七賊皆著名而阿呼長耳多挿柘尤稱雄今松潘副使來經濟經畫預定管副總兵事叅將朱文達恩威素孚又總兵官史綱周悉萬全遂生擒七賊等因并將阿呼等呈解到臣審發按察司監候間又准總兵官史綱手本為擒獲猖亂首惡番蠻事據統兵叅將邊之垣曹希彬呈稱

白泥等首惡卓兒結阿賽阿呼於十八年內
首猖為患鋸散木刻糾聚眾番襲劫堡寨殺
虜官軍罪大惡極蒙軍門委三司議允擒獲
首惡布有懸賞則例二職會同副將朱文達
等責令土舍郁從禮及土官郁茂賢等瓜探
首惡向往又蒙本鎮差中軍官吳文傑帶領
中營官兵催同擒拏十九年三月十三日二
職督率各官兵前至地名兩河口石崖窩擒
獲白泥寨首惡卓兒結押行間本番懼罪深

重至地名發願林撞石身死頭目皆損即將
全屍扛至漢關墩拘集通事人等對眾識認
委係白泥寨糾番劫堡首惡卓兒結正身取
具鄉導通事并結在卷等因呈解到鎮隨喚
通事張巴住等驗視是的為照卓兒結生前
起釁傳散木刻窰道燒堡罪惡滔天卽今擒
獲少釋群忿除割取首級解紀功道覆驗外
等因移文到臣隨據紀功副使陳文煥呈報
辨驗委係白泥寨渠魁卓兒結首級緣由相

同案照本年二月初一日據威茂兵備右叅議許守恩呈准叅將邊之垣手本該本鎮喚集降番宣諭懸賞令各擒斬首惡解獻據羅蔔石灰牛尾麻荅等寨降番王賽兒子納麻結曹亮兒子等斬獲楊柳白泥麥兒松坪白臘等寨惡番首級一十四顆又准本叅手本於正月十七等日據播州土官楊應龍呈分兵把截各隘陸續斬獲和尚松坪等寨番級六顆挨牌三面皮甲一領移文本道會同監

軍叅政李士達查驗係真正惡番及稱播兵斬獲內二顆係婦級等因同日又據該道呈准叅將邊之垣手本正月二十四日據土舍郁從禮帶領勒谷結別索多魚兒等寨降番恩兒勒麻結香兒結活牙刺保等斬獲白泥石甬和尚等寨番級一十二顆到職移文本道會同監軍道查驗內男級九顆婦級三顆等因續據紀功副使陳文煥呈准監軍二道關據敘南衛領兵指揮李懷陽呈報二月初

七日至小和尚寨坡番蠻乘夜突出率降夷
羅加相等對敵斬獲首級一顆又准叅將邊
之垣手本據大渡河所領兵都指揮曹銓於
本月十七日夜被番偷窰橋道本官追至白
泥寨斬獲惡番葉地兒子首級一顆石灰溝
降番黑兒結斬猷白泥壯番白普太首級一
顆又指揮李懷陽呈報同日夜被番窰橋亦
領兵追至白泥斬獲惡番如科兒子首級一
顆俱移解到道逐一驗明等因各陸續具呈
到臣案候類報間今據前因議照疊路番蠻
逞兇作孽已經題奉

綸音相機剿處該臣已調集漢土軍兵先會同總
兵及檄行監軍各道副叅等官一面宣諭降
番及脅從諸蠻有能擒斬首惡解官審實卽
照格給賞披離賊勢以便大征去後今計各
起生擒首惡七名又生擒首惡取級一名官
兵并降番斬解惡番首級三十六顆共擒斬
四十四名顆除臣勒兵三萬分為奇正四哨

刻定日期大建旗鼓奮勇齊進深探虎穴掃
蕩妖氛外先將功次續報及照生擒首惡阿
呼長耳多桶柘黑卜惡卜塔大狗兒子若殺
小黑兒結七名該臣親審皆壯且悍防範為
難又先已

題報生擒番賊見存哭折去兒結二名俱應速
決除臣會同巡按御史并司道等官節次覆
審明白臣下軍令押赴

旗牌前斬首傳梟該邊以威散番以壯兵氣外

理合具

題緣係生擒首惡逆番并續報節斬番級事理
為此具本謹具題

知

大破險巢捷音疏

題爲仰仗

天威官兵奮勇力戰大破險巢斬獲柴百餘番恭
報捷音以紓

聖明西顧事萬曆拾玖年肆月初叁等日節准總
兵官史綱手本并據監軍叅政李士達威茂
兵備叅議許守恩松潘兵備副使來經濟紀
功副使陳文煥呈報閏叁月貳拾玖日奉軍
門令大舉剽番肆哨將官分道並進總統哨

叅將曹希彬率提調李胤芳中軍吳文傑并
永寧宣撫奢崇周等漢土官兵攻剽麥兒楊
柳各寨總成哨叅將萬鏊都司田中科率提
調張曉合剽楊柳大勝哨叅將邊之垣率指
揮陳道南等合剽麥兒是日各哨當陣生擒
惡番財主兒子等拾名斬級壹拾伍顆俘獲
肆名口燒燬碉房貳拾餘間參拾日全勝哨
管副總兵事叅將朱文達率中軍指揮龔卿
提調苗兵百戶周以德等漢土官兵攻剽松

坪阿濟寨叅將萬鏊都司田中科率提調曹
松并石砭宣撫司土婦覃氏上舍馬千駟等
漢土官兵剽松坪等寨叅將邊之垣兵壹枝
攻打楊柳溝是日各哨當陣斬級參拾參顆
俘番婦壹口奪器仗拾壹件燒燬碉房柒拾
捌間重輕傷兵伍拾參名肆月初壹日叅將
朱文達率本哨官兵攻剽木蘇納沙押瓜寨
叅將曹希彬率官兵攻剽松坪兒扒溪等寨
叅將萬鏊都司田中科率官兵追戰至課格

山是日各哨當陣生擒貳名斬級肆拾壹顆
俘番屬貳拾名口保全被虜貳名獲器械弓
箭肆拾柒件枝燒燬碉房壹百玖拾餘間陣
亡土把貳名重輕傷兵叁拾壹名又壘溪土
舍郁後禮率兵摝捕白泥生擒叁名俘獲拾
名口初貳日叅將朱文達督漢土苗兵攻剽
松坪王六寨叅將邊之垣率播州土官楊應
龍等漢土官兵攻剽松坪兒扒溪麥最意伍
等寨叅將萬鏊都司田中科督兵追戰至阿

烏墨石是日各哨生擒貳名斬級壹百玖拾
伍顆俘獲番屬陸拾叁名口保全被虜肆名
口奪盔刀甲弓箭肆拾柒件枝燒燬碉房壹
百陸間陣亡兵壹名重輕傷捌名初叁日叅
將曹希彬督兵壹枝攻剽松坪俄多等寨又
督漢土兵壹枝攻剽松坪兒扒溪木蘇等寨
叅將萬鏊都司田中科督兵追戰至松坪叅
將朱文達計撫牛尾商巴等寨熟番解獻是
日各哨生擒壹拾肆名斬級叁拾貳顆俘獲

番屬貳拾柒名口保全被虜貳名奪獲皮甲
弓箭貳拾貳件枝燒燬碉房肆拾伍間陣亡
兵壹名重傷伍名輕傷壹拾伍名初肆日叅
將萬鏊都司田中科督漢土官兵攻賊至黃
土坡當陣生擒壹名斬級壹拾叁顆俘獲番
屬貳拾貳名口奪獲盔甲叁件燒燬碉房貳
拾餘間重傷兵貳名輕傷貳名初伍日本哨
兵於阿烏墨石地方生擒壹名保全被虜壹
名初陸日叅將曹希彬督漢土官兵攻剿松

坪木蘇兀積納沙等寨叅將萬鏊都司田中
科督漢土官兵策應大勝哨至雪山與番對
敵貳哨生擒陸名斬級壹拾捌顆俘獲伍名
口保全被虜壹名奪獲器械肆拾玖件燒燬
碉房肆拾餘間陣亡兵壹名初柒日叅將曹
希彬率漢土官兵攻剿松坪大菁嶺木蘇等
寨當陣生擒肆名斬級捌顆俘獲番屬壹拾
貳名口奪獲弓箭貳副盔刀貳件燒燬碉房
貳拾餘間輕傷兵貳名初捌日壘溪土舍郁

從禮土兵把截生擒楊柳等寨番賊肆名初
玖日叅將朱文達督守備史可觀於小松坪
揆山叅將萬鏊督提調張曉至黃土坪搜山
共生擒貳名斬級貳顆初拾日叅將曹希彬
督漢土官兵一攻剽和尚寨一攻剽松坪叅
將萬鏊都司田中科督漢土官兵攻剽小雪
山貳哨當陣生擒壹名斬級捌顆俘獲男婦
壹拾貳名口保全被虜壹名奪獲器械肆件
副燒燬碉房貳拾餘間重傷兵壹名輕傷貳

名拾壹日叅將邊之垣督播州土官楊應龍
土舍楊朝棟兵至黑水界雪山嶺架岡攻剽
叅將曹希彬督漢土兵攻剽雪山嶺兒扒溪
木蘇大樹等處叅將朱文達督兵於老虎崖
揆山叅將萬鏊督兵揆剽大雪山是日各哨
生擒貳名斬級貳拾柒顆俘獲番屬肆拾柒
名口保全被虜貳名奪獲噐仗貳拾陸件燒
燬碉房肆拾伍間拾伍日叅將朱文達督守
備史可觀兵於麻窩嶺揆山斬級叁顆俘獲

貳口拾柒日朱文達兵又生擒貳名斬級壹拾玖顆奪獲器械壹拾件及稱節起功次俱經移解紀功道審驗等因陸續移報到臣看得肆哨官兵自閏參月貳拾玖日起至肆月拾柒日止共擒斬番級肆百陸拾捌名顆俘獲番屬貳百貳拾伍名口奪回被虜壹拾參名口燒燬碉房伍百捌拾餘間奪獲器械貳百貳拾餘件又先自拾捌年拾貳月起至拾玖年前參月止擒斬過惡番共壹百壹拾陸

名顆已經

題報又正月內郁從禮土兵俘獲拾名口未入疏中今通計先後擒斬俘獲奪回被虜功次共捌百參拾貳名顆口案查萬曆拾捌年拾貳月內爲地方節報番情事據威茂兵備道呈報楊柳麥兒白泥等番糾聚松坪等寨焚劫新橋殺虜軍人又犯普安新堡等項惡跡該臣一面具

題一面調發漢土官兵隨即衝散且防且剿准

兵部咨覆議前事題奉

聖旨是這番夷猖獗著該巡撫總兵等官整搦兵馬相機剿處以靖地方欽此臣未奉

旨之先臣已速催總兵史綱面議進剿令其馳赴該邊整練兵將又檄敘瀘兵備叅政李士達至臣軍門面計方畧令其赴邊協贊又檄三司會議大征兵糧事宜而臣調兵集餉羽檄交馳誓必滅此而後已凡調到客兵一弓一刀臣每親驗一官一日臣必親賚凡以獎率

三軍鼓其敵愾詢謀既定衆議僉同臣遂檄叅政李士達監諸軍威茂兵備許守恩協之并管軍前糧餉松潘兵備來經濟安綿兵備張世則各填撫本地番蠻以防交通衝突而來經濟仍專備北虜兼協剿南番以司紀驗則檄副使陳文煥以督糧儲則檄副使鄭人達而委管餉則有同知汪京委贊畫則有同知錢紹謙委聽紀則有知縣王曰然總兵官駐壘溪指揮而臣臨灌口調度兵既到齊勒

爲肆哨以管副總兵事叅將朱文達領全勝
哨將提調苗兵百戶周以德等漢土官兵由
西坡進以叅將曹希彬領總統哨將永寧宣
撫奢崇周等漢土官兵由牛尾中路進以叅
將萬鏊都司田中科領總成哨將石砭宣撫
司土舍馬千駟等漢土官兵由牛尾北路進
以叅將邊之垣領大勝哨將播州土官楊應
龍等漢土官兵由水磨溝進部署已定臣復
三令五申嚴不用命之誅厲殺擄殺降之禁

隆主將節制之權勉文武同心之誼期於縛
執豺虎掃蕩妖氛幸而將士用命奮勇爭先
方屆貳旬斬獲柒百巢穴煨燼一望成空百
里無煙千羣喪魄諸將乘勝攻圍欲盡殄滅
臣愚隨機剿撫俾底平寧此實仰賴

聖武布昭

天威震疊閩外不從中制

廟謨實出萬全是以有此克捷臣愚待罪行間不
勝慶幸除續攻險寨續獲功次再行具

題有功文武人員通候事完併敘斬獲功級聽
巡按御史驗核具

奏漢土官兵當即填票紀賞陣亡被傷照格優
恤被虜人口給發寧家俘獲番屬變價入官
外其生擒惡番見存者俱發按察司監固乞
勅下兵部行巡按御史速爲處決以正典刑功次
另行查議萬里蜀天合先馳報緣係仰仗

天威中興奮勇力戰大破險巢斬獲朵百餘番恭
奉捷音以紓

聖明西顧事理未敢擅便爲此具本謹題請

旨

攻破雪山捷音疏

題爲仰仗

天威官兵奮勇血戰攻破雪山險寨掃蕩劫堡惡
番再報捷音事據監軍叅政李士達協理監
軍叅議許守恩呈報准鎮守總兵官史綱手
本先准督撫軍門移文節次申嚴號令又監
軍道蒙按院備行申明進剿事宜該本鎮會
同監紀各道督令總統總成大勝全勝肆哨
將領等官叅將朱文達曹希彬邊之垣萬鏊

都司田中科土官楊應龍宣撫奢崇同土舍
馬千駟標下中軍百戶吳文傑等統率漢土
官兵於閏三月二十九日進剿楊柳麥兒松
坪等寨擒斬功級俘獲人口奪獲器仗等項
俱經移送紀功道紀驗訖其松坪惡番屯據
大雪山頂壁立萬仞鳥道一線憑險負固勢
爲死寇聲言糾合大小黑水要與官兵抗拒
本鎮於四月十一日面會監紀督餉各道密
議設謀會發懸賞分給土司督率各部官兵
節准軍門左旗牌官標兵催督各哨私行
本鎮切責各將務須同心戮力雪憤除兇又
該監軍道奉軍門紙牌并蒙按院札諭差指
揮申于朝等四員分催四哨又差旗牌官牟
茂總催隨該本鎮馳至大松坪遍視營壘親
督諸將以爲滅此後食之計苦因天雨數日
不休大霧深雪對面不能相見官兵攘臂難
以動手一面令兵躡探欲乘雪夜攻取迺緣
萬壑千澗絕與平地不同纔一舉足便墮崖

谷兵士凍僵甚至不起猾賊變幻每於雪霧中突來衝陣猖狂之聲四面不絕我兵氣益憤發互相告戒誓不俱生比准監軍道手本奉軍門紙牌查恤凍死兵士又隨奉普加犒賞併密授石畫雪山之役務保萬全等語又該監軍道傳諭蒙按院札示松坪賊勢防禦當周軍士披雪衝寒甚至僵伏不起者當厚其優恤以固衆志黑水險遠難深入其進止當酌量停妥毋得輕易致有他虞隨該各將

領將兩院指授方略優犒德意宣示漢土各兵人人踴躍忘其寒苦本月十五日新任管壘茂遊擊事叅將劉綎帶領家兵到松坪卽令與曹希彬同哨十六日陰雨未晴兵心共奮該本鎮催發各哨以永寧爲先鋒播州石砦爲正兵接戰漢土官兵分翼設奇全勝哨苗兵亦從間道預奪其險比遇番蠻不計其數一擁迎戰嘗有永寧頭目劉國用等挺身直前攻上雪山揮斬壯者追賊過河播州石

砮漢土各兵爭先對敵轉戰數拾里擒斬功
級各哨不等火器弓弩打死多番多被賊長
杆鐵鈎拖去難得盡找首級賊失雪山之險
奔入碉房我兵四下攻圍天晚在於巢穴屯
站徹夜雨雪兵心愈加勇猛次早十七日陰
霧天開石砮當先遇賊大戰播州永寧橫衝
其陣追至小羔水界上四山蠻聚數千矢石
如雨漢土官兵捨命對戰斬獲功級亦不等
番蠻敗入碉房自相焚燒併火藥攻燃燒燬
碉房番死無數是夜官兵仍在彼處露宿該
本鎮督率諸將鼓舞戰士祝告

神明此舉奉

命討賊願默佑開霽助順誅逆次早十八日幸得
天色清明四面山頭番蠻甚衆要來挑戰我
兵齊心併力交戰數合忽有馬賊千餘出自
大雪山溝描金之甲耀日我兵前後左右俱
皆勅敵當有楊應龍勇氣奮激督率頭目程
萃等併永寧劉國用等各躍馬叱賊直衝其

陣石砮及漢土官兵人人殊死戰聲震山谷
賊勢披靡四散奔潰官兵追至黑水河邊三
處大礮房上有賊三四百哀乞饒命我兵因
晚暫收在彼屯劄次日責要麥兒寨番牌阿
賽各番稱待尋得來獻又問以抗拒官兵之
說只是羅拜乞降當該各將領差兵勇鄉導
四名直入礮房內諭以

朝廷法度威德各番再三哀求差番牌到各將
領面前投降認後尋捉阿賽自十九日至二
十三日官兵往彼見得諸番畏服

國威大振隨該本鎮傳令將士恪遵兩院萬全
之慮深入之戒撤回松坪老營併將當陣擒
斬功級俘獲人口全活被虜奪獲器仗等項
呈解到鎮該本鎮拊存各戰士見其身無寸
線不濕尚有滴水者問之則謂自十五日以
後晝夜兩雪中冰結衣甲之上今因和煖方
消於是逐加慰勞除將功級等項移送紀功
道紀驗併陣亡重輕傷兵聽行照例優恤各

兵暫令休息一面松坪搽山一面整點另報
等因到道備呈到臣隨准吏綱移文開報與
前相同又據松潘兵備副使來經濟并全勝
哨叅將朱文達各揭報官兵在於小黑水地
方斬獲功級及二十五等日搽山并本叅計
撫商巴雙橋等寺寨番牌解獻擒斬俘獲功
級數目到臣隨據紀功道亦將驗過功數呈
報該臣查得前項功次內四月十六日大勝
哨叅將邊之垣總成哨叅將萬鏊都司田中
科總統哨叅將曹希彬劉綖督播州土官楊
應龍石砬土舍馬千駟永寧宣撫奢崇周各
土兵同漢官兵共斬級四十七顆俘番屬九
名口保全被虜六名奪獲器械一十一件陣
亡兵十名重傷一十九名輕傷四十八名十
七日除全勝哨叅將朱文達部兵擒斬者先
已附報外是日大勝總統二哨楊應龍奢崇
周各土兵及漢官兵共斬級六十五顆俘番
屬一十八名口奪獲器械二十件燒燬碉房

三十五間陣亡兵一十七名跌死一名凍死
九名重傷三十五名輕傷四十八名十九日
全勝哨提調周以德等苗漢兵斬級十顆大
勝哨保全被虜一名陣亡日把一名被傷三
名二十日全勝哨守備史可觀兵并屢溪土
兵生擒一名斬級二顆俘番屬三名口二十
一日全勝總統二哨周以德等苗漢兵斬級
一十四顆俘番屬一口獲器械一件二十二
日總統大勝二哨漢土兵斬級九顆保全被
虜二名奪獲器械六件輕傷兵四名二十三
日全勝總統總成三哨史可觀等漢土官兵
斬級六顆俘番屬一十八名口奪獲鐵肩甲
一領燒燬碓房一十餘間陣亡兵一名重傷
四名輕傷九名二十四日叅將劉綎下把截
官兵斬級一顆俘番屬七名口二十五日全
勝總統大勝三哨史可觀奢崇周等漢上兵
搽山生擒四名斬級五顆俘番屬六名口奪
器械六件二十六日全勝哨督都指揮徐佳

亂兵搽山斬級四顆奪器械六件二十七日
又督史可觀計撫熟番斬獻惡番首級一顆
二十九日朱文達親撫商巴寺番牌解獻擒
斬番賊一十一名顆賊屬一口保全被虜一
口五月初一日又親撫雙橋等寨熟番解獻
擒斬番賊八名顆賊屬二口同日督徐佳胤
兵搽山斬級二顆以上擒斬惡番一百九十
名顆俘獲番屬六十五名口奪回被虜十名
口獲器械五十一件燒燬碉房四十五間總
計擒斬俘獲奪回被虜共二百六十五名顆
口連前

題報通共一千九十七名顆口該臣看得前項
惡番昨因我兵誅鋤巢穴悉蕩窘迫莫知所
適遂悉衆奔據雪山拚死拒守自謂天險可
恃我兵無奈彼何矣且知仰攻極難數來挑
戰以嘗我兵而又雪深數尺霧氣遍迷咫尺
不分更虞坑墜迺我兵氣益揚兵心益奮晝
夜雨雪之內如卽衽席之安是以躍馬千仞

之岡揮戈一線之路攻堅破陣誅醜焚巢直
樹赤幟於雪山之巔而奪自昔以來

中國未拔之險不特一方軍民紓其怨憤而已
也今程功雖僅前數而焚燒枕藉死者則不
勝計蓋我

朝二百餘年逋逃

天誅跳梁異域之寇剪除實從此始此實仰賴
皇上威靈遠播震龍音蠻是以竒捷立臻人力不
至於此臣愚秉鉞觀成何勝慶忭除有功文

武人員并計處餘黨及次第經略善後事宜
聽臣續

題及照獲功者已填票紀賞陣亡被傷者已照
例優恤被虜奪回者寧家番屬俘獲者變置
外其生擒見監惡番連前人數已多伏乞

勅下兵部行巡按御史并行處決臬示所有功級
功次悉聽驗核具

奏緣係仰仗

天威官兵奮勇血戰攻破雪山險寨掃蕩劫堡惡

番再報捷音事理未敢擅便爲此具本謹題
請

旨

擒斬首惡番蠻疏

題爲仰仗

天威官兵竭謀奮勇生擒叛亂首惡拔除積痼禍
根并節報擒斬番蠻事據監軍叅政李士達
協理監軍叅議許守恩呈報准鎮守總兵官
史綱手本內稱本鎮統兵討叛自到疊溪查
得鬱卽長官司土舍敢保先年印信追貯在
庫正謂懲其從逆緣彼能以奸狡鼓動群蠻
却乃印不在手每每怨望欲要叛亂非一朝

一夕之故矣偶乘阿呼之恨相倚為名糾合
管下松坪和尚等寨衆番襲攻堡城劫虜財
物人口俱在噉保碉房下分散其百戶梁繼
武親弟梁繼祚係是噉保之人虜賣小黑水
噉保仍將馬貳匹銀寶貳箇買大黑水助兵
揚言攻劫疊茂一路本年前參月內本鎮見
得噉保不軌之謀妄欲狂逞我兵旣集彼若
不得逞惟有遠遁將來地方終無寧日於是
授計叅將曹希彬傳諭噉保見有印信可望

仍令會同邊之垣多方設計給與招安旗以
散其黨曹希彬不時差人到彼寨中佯以賞
惠誘噉保出黑水還巢至閏參月內本鎮節
差塘報張才等前至松坪喇麻寺假以取經
偵探彼中虛實噉保聞風亦到松坪向各番
倡說張才等此來是看進兵道路以致頃刻
之間蠻聚千餘幸得本寺番僧勸說始散本
月貳拾玖日官兵發進松坪議待事完便道
和尚寨方剿噉保復被噉保在於山頭遙望

人馬行動一面報與松坪及將前給招安旗
棄置松坪大路口示不受降之意仍於旗下
將狗壹隻砍碎况我官兵糾和尚寨各蠻穿
甲立在上稱說往黑水借兵且將參拾餘
蠻助松坪抗敵至肆月終旬本鎮密會監軍
紀功督餉各道計議行令中軍吳文傑等領
帶漢土官兵直抵黑水界上追取噉保參將
曹希彬等切責土舍郁從禮遵依於伍月初
肆日將噉保擒獲及逆黨茶祈貳名吳文傑

督同本舍執看搽山擒獲惡番和尚寨昔折
石嘴寨白地科白泥寨者兒白參名初捌日
本鎮覆會同各道議得松坪巢穴官兵駐彼
參旬儘力掃蕩業已無敵撤兵之後殘蠻必
定歸還當於本日夜選發漢土精銳數千出
其不意疾行至彼大搽一遍初玖日總成哨
叅將萬整都司田中科部兵於和尚寨吳文
傑標兵及全勝哨叅將朱文達下苗兵於大
松坪共生擒斬俘陸拾陸名顆口奪獲器仗

牛馬今松坪一帶及雪山四面竝無藏有竄
蠻除功級等項俱移解紀功道覈驗訖等因
到道備呈到臣隨准史綱移文開報相同又
據松潘兵備副使來經濟并叅將朱文達將
該哨所獲功次徑報到臣該臣查得伍月初
肆日總統哨叅將曹希彬劉綖大勝哨叅將
邊之垣督漢土官兵生擒噉保等肆名俘幼
番壹名總成哨兵俘番屬壹口初肆初陸兩
日全勝哨官兵於小松坪搜山斬級拾顆俘
番屬伍名口初柒日本哨朱文達計撫鹿卜
商巴等寨熟番并督守備史可觀都指揮徐
佳胤率兵於松坪紅啞搜山生擒貳名斬級
柒顆俘番屬肆名口初玖日本哨下提調周
以德苗兵於松坪總統哨下提調夏竒等兵
亦於松坪總成哨下石砦土兵於和尚寨大
勝哨播州土官楊應龍土兵至白臘渣各搜
山共生擒貳名斬級玖顆俘番屬壹拾捌名
口獲馬牛陸頭匹器仗柒件渡河溺死土兵

玖名拾貳日全勝哨下兵於小松坪搜山斬
級壹顆拾肆日本哨下兵於雪泡嶺搜山斬
級肆顆俘番屬壹名拾伍日本哨下兵於阿
甕溝搜山生擒壹名斬級壹顆以上生擒首
惡壹名惡番捌名斬級叁拾貳顆俘番屬叁
拾名口計擒斬俘獲共柒拾壹名顆口連前
題報總共壹千壹百陸拾捌名顆口該臣看得
積惡番賊噉保係是小姓土舍管束各寨番
蠻却乃鼓衆逞兇罪大惡極今該叅將曹希

彬計謀生擒剪除禍本該臣親審見其梟悍
出類防範實難除將此項惡番會同巡按御
史審明押赴

仗
令旗牌前斬首梟示外擬合續行馳報緣係仰

天威官兵竭謀奮勇生擒叛亂首惡拔除積痼禍
根并節報擒斬番蠻等理為此具本謹具題

知

剿平番蠻敘功疏

題爲仰仗

天威蕩平稔惡番蠻查敘功次以昭激勸事准鎮
守四川總兵官左軍都督府都督僉事史綱
手本內開疊茂地方白泥楊柳等寨惡番襲
劫新橋堡又糾聚松坪等數十餘寨番蠻據
險劄營合謀待戰本鎮恐軍門方畧先將首
惡計擒隨以調到漢土官兵分爲肆哨進剿
計各哨官兵前後擒斬俘獲全活被虜共壹

千壹百柒拾柒名顆口燒燬碉房柒百壹拾
捌間奪獲器仗叁百餘件番馬拾叁匹牛羊
壹百伍拾餘隻及石甯和尚寨牌頭綁解番
牌貳名埋奴悔罪乞恩饒死等因到臣又據
四川布按貳司敘馬瀘兵備監軍右叅政李
士達威茂兵備協理監軍右叅議許守恩軍
驛屯塩茶水道紀功副使陳文煥會呈奉軍
門牌仰道會同將疊茂一帶白泥等寨番蠻
各起釁根因猖獗惡狀調兵集餉尅寨獲功

蕩平底定等項事由逐一查敘併將從征將
領及與事文武流土等官俱分別次第有功
者當膺何勸典有過者當作何懲治務要開
列詳備作速呈報等因該叅道查得白泥等
寨番蠻以拾捌年拾貳月初陸日夜聚衆襲
犯新橋堡事出倉卒據後生擒首惡阿呼等
極口於把守指揮鄧承業尅索不堪積懷憤
恨要得大逞報洩是爲起釁根因鋸散木刻
號召諸番暗通石灰溝熟番如兒結白地結

等陸名在於新橋堡內裡應外合既開門放
入殺虜軍人又攻圍普安三日夜及將實大
關上界偏橋邊墻路道拆挖續糾和尚寨極
惡噉保與牛尾麻荅石觜龍池燒炭結別魚
兒索多勒骨白蠟松坪黑水王寨等寨約數
千餘殺牛齊心聲言大做一場其為猖獗惡
狀殊難枚舉該威茂道當行茂州衛揀選城
操軍兵并調三長官司土兵追捕隨即飛報
軍門奉批據報番情該道已調兵追捕仍即

移駐適中處所會同叅將邊之垣一面相機
行事一面不時馳報以憑施行儻或番勢果
衆即便移文松潘道酌量發兵應援此繳又
奉軍門行松潘兵備道將原調禦虜播州土
官楊應龍土兵令叅將邊之垣統領星夜自
北路撲剿前來仍挑選標操等兵令都司僉
書田中科等統領自省馳去策應并行都司
解發鳥銃火藥鉛彈火繩火箭等項聽用隨
該松潘道移文管副總兵事叅將朱文達調

發標下鎮撫等官路中達等於本月初拾日
督夜不收壹百名標兵壹千名與大勢惡番
分戰衝敵救護永鎮太平普安參堡本參在
晝佛崖被番箭傷左膊就率令各兵用百子
鳥銃打死番蠻百餘當陣斬級貳顆搶獲新
橋被虜戍軍壹名楊四老追趕各番過河去
訖拾壹日邊之垣統領楊應龍等奮勇向前
追至楊柳溝賊巢當陣斬級玖顆奪獲牛羊
各陸隻大甲扇肩鐵辦腦包皮盔大刀木弓
奪獲皮甲貳領箭筒弓刀參件將寨燒焚同
日朱文達督鎮撫路中達領兵於麥兒寨搜
山斬級參顆貳拾伍日永鎮堡掌貼千戶朱
世祿督軍馬小三等當陣斬獲楊柳溝惡番
級壹顆隨奉兩院移行鎮守總兵史綱統兵
馳赴疊茂當該敘州府知府唐守欽給散各
兵行糧兼程前來并委成都府知府詹思謙
詣邊查勘軍情又奉軍門檄行敘馬瀘道前
到茂州會同松茂貳道議處一應機宜至拾

改年正月初肆日邊之垣統領楊應龍等與
白泥寨搭橋番蠻截戰當陣斬級壹拾捌顆
生擒壯番哭折白地太貳名奪得鐵盔哈叻
弓刀大甲拾件副初玖日邊之垣統領牛尾
麻荅降番斬獲白泥麥兒寨番級捌顆拾壹
日邊之垣率石灰溝土兵黑兒結等斬獲楊
柳麥兒寨番級貳顆同日播兵圍困石洞子
各番自行焚碉燒死掘獲燒級伍顆拾叁日
邊之垣統羅蔔等溝降番於栢楊壩把截斬

哈叻皮牌板牌共貳拾柒件燒燬碉房壹百
餘間又於拾叁日因新堡子被圍馳入該堡
當陣斬獲巴豬寨番級伍顆方纔解散奪獲
牌壹面鐵盔壹頂拾肆日朱文達督牛尾寨
番長保兒子等殺得楊柳溝番牌黑卜等首
級柒顆活拏幼番貳名獻功投降依俗砍狗
發誓背認地方仍獻降甲貳領及雙馬列角
龍池潔白魚兒勒骨燒炭索多等寨各獻出
甲牌弓箭牛羊猪膽不等又岳希蓬長官司

引領粟渴寨番牌鋸立木列一樣貳塊各赴
道投拜俱給花紅牛酒犒賞訖拾捌日邊之
垣駐劄松溪堡本日夜被黑苦寨番蠻聚集
驚營本官督率楊應龍領兵追敵當陣斬級
參顆奪獲皮甲壹領同日朱文達督牛尾寨
降番得普兒子等於楊柳溝寨搜山斬級壹
顆貳拾參日指揮鄧承業於新橋堡把截生
擒石嘴寨壯番壹名丟兒結貳拾肆日邊之
垣督楊應龍兵攻打麥兒寨當陣斬級參顆
級肆顆拾陸日於大石山把截斬級貳顆拾
柒日又督楊應龍兵於和尚坪把截斬級陸
顆奪獲挨牌參面皮甲壹領貳拾參日領降
番於白蠟寨把截斬級捌顆貳拾肆日督土
舍郁從禮帶領勒骨等寨降番斬獲白泥石
嘴和尚等寨番級壹拾貳顆貳拾伍日又帶
領土兵於石嘴和尚寨搜山俘獲番屬拾名
口比該川貴叅將曹希彬先奉軍門牌調防
剿亦以本月馳至茂州隨准布政司照會奉

軍門案驗內開白泥麥兒等寨番蠻素稱獷悍恃負虎踞先年大兵進剿之時却乃詐獻甲馬投拜乞降倖免誅戮今見生聚日繁碉居完固輒肆鳴張流傳木刻勾通楊柳等寨番蠻燒劫新橋殺虜主戍軍兵拆挖邊牆險隘志在阻塞松鎮之咽喉吞噬疊茂之關堡占據一方爲謀叵測合行議兵剿處等因移照欽馬瀘威茂貳道會議該貳道會同松潘兵備副使來經濟安綿兵備僉事張世則叅將邊之垣將撫剿并應用兵糧等項開款呈詳批行布按都三司會議併議松潘安綿道及成都府各條陳征番事宜該布政司署印右叅政武尚耕按察司按察使陳薦會同都司署都指揮僉事阮維藩先將監軍督餉紀功各道會議呈詳奉軍門批軍前分理各道既該三司議定依擬監軍行叅政李士達協理監軍兼督軍前餉務行叅議許守恩督糧行副使鄭人達紀功行副使陳文煥各遵

照職事分管務共殫力紓猷收功全勝副使
來經濟僉事張世則各鎮撫本地番蠻仍相
機督兵策應共奏凱功該司作速移行此繳
又該三司議將進剿事宜條分縷晰呈詳奉
軍門批據議剿番事宜業經會議僉同已極
詳備監軍督餉紀功道照前批允分管贄畫
用同知錢紹謙管餉聽紀用同知汪京知縣
王曰然各分理餘俱如議速行各道將領等
官一體遵照務協力同心畢志奮身以建奇

功一應進止機宜不許違誤官兵進剿之初
正鼓舞激勵之際舊例下程牛酒未宜議裁
宜如許叅議議薑蒜烘炒已批允監軍道酌
議詳中宜速行備辦其不敷兵勇與分布各
哨及統兵領兵等官移監軍道會同總鎮與
威茂道計定徑詳其朱文達萬整見守一路
待將舉事監軍道別行詳請調取本院應次
第督飭者隨時案行至於未盡事宜與各屬
有當隨事詳行者不妨陸續議請此繳及議

調播州永寧石砮等土兵共漢土官兵三萬
有奇併行小河遊擊王之翰催調永寧土兵
馬湖守備徐兆麒管押該營官兵俱至省城
逐奉軍門點視犒賞及行成華漢綿新彭灌
崇嘉眉邛蒲等州縣買運糧餉隨發

旗牌調取嘉邛團操大渡天全漢七兵勇前來
又蒙兩院移文貴州軍門行令貴州衛百戶
周以德及湖廣鎮遠衛百戶應襲楊宗元招
集慣戰苗兵二千名通赴壘溪候剿二月初

七日曹希彬下指揮李懷陽領操兵於小和
尚寨把截斬番級一顆十七日朱文達督指
揮曹銓等追趕偷窰橋邊番蠻至白泥寨斬
番級一顆本日李懷陽差兵守橋斬番級一
顆十八日邊之垣領石灰溝降番於楊柳溝
把截斬番級一顆二十二日奉軍門憲牌爲
再議開諭番蠻姑與圖新事仰道即將原報
各番蠻除最惡者罪在不宥法應剿處外其
餘次惡等番速行見在該邊熟諳番情將領

及茂州掌印官各長官司土官悉心計議相
搆撫處等因又於三月十四日奉軍門案驗
准兵部咨覆四川撫按本奉

欽依移咨督行鎮道文武各官將諸寨番蠻偵其
順逆情形隨宜剿撫等因奉此隨該邊之垣
面稱楊柳麥兒等寨惡番糾聚松坪等番聞
我兵到壘構結黑水等番於大松坪據險劄
營當該各道與總鎮密議大兵未到且當佯
示不戰少緩番謀先將首惡擒獲方可舉事

三月十三日邊之垣曹希彬會同朱文達田
中科同知汪京責令郁從禮及土官郁孟賢
等爪探首惡向徃復該總鎮中軍官百戶吳
文傑帶領標下中營官兵提調倪時舉領兵
官宋良棟等催徃地名兩河口石崖窩擒獲
白泥寨首惡卓兒結押行間本番懼罪深重
撞石身死將屍扛至漢關墩拘集通事鄉老
張天保等識認委係白泥寨糾聚劫堡殺虜
軍人首惡卓兒結正身取具甘結在卷全屍

解送紀功道紀驗呈報訖二十九日准朱文
達手本報稱本月二十五日據呷竹寨喇麻
灣卜密報白泥麥兒松坪等寨首惡阿呼并
伊弟惡卜塔潛住列柯寨後山溝內大狗兒
子若殺小黑兒結投奔西坡下二族寨內插
柘長耳多奔思答寨并鹿卜寨內本職即行
守備史可觀把守指揮吳昂臣中軍指揮龔
卿及平定靖夷鎮番等堡掌貼官李東陽陳
萬言陳忠敏路上進旗甲通事張伯楚馬錦
杜世勇常柯羊李芳黃袍田歪兒等各帶領
軍兵接應仍諭喇麻灣卜密帶散番六七十
名擒獲阿呼惡卜塔二名又到西坡寨綁縛
大狗兒子若殺小黑兒結三名鹿卜寨綁縛
長耳多一名又軍兵李文勝等捕獲柘一
名各到職審係活捉首惡當將松潘道懸賞
銀內動支量賞隨將首惡阿呼等七名解赴
鎮道驗明并將前堵截擒斬俘獲功級番屬
共一百二十六名顆口俱轉解紀功道紀驗

呈報訖又奉軍門差旗牌官程希閔等及本
道差官楊朝憲等催督漢上官兵陸續齊集
節奉軍門憲牌申肅號令嚴不用命之誅厲
殺虜殺降之禁隆主帥節制之權勉文武同
心之誼親自臨邊視師又將川蜀所無大斧
長刀盔甲器械式樣發付都司一一製造完
備解赴軍前節蒙按院憲行諭示進剿機宜
申明功次等第及布按二司會議允征剿事
理通移在卷該各道會同會議將前項漢

上官兵分定四哨總統哨叅將曹希彬統總
鎮標下中軍吳文傑提調官指揮夏竒張明
化倪時舉李世爵劉海等官兵本叅下召募
兵指揮吳繼勳馬湖提調李胤芳郭添俸指
揮李懷陽永寧宣撫奢崇周各漢土官兵由
晉安堡渡河從牛尾寨中路進攻松坪之左
兒扒溪等寨總成哨叅將萬鏊都司田中科
督石砭宣撫司土舍馬千駟提調張曉王維
鎮等統本叅下標兵本都司及本叅下召募

苗兵石碇司土婦覃氏土兵由普安太平等堡渡河從牛尾寨北路進攻剿松坪之右俄多窕卞等寨全勝哨管松潘副總兵事叅將朱文達統守備史可觀提調苗兵百戶周以德大渡所都指揮曹銓天全土舍高繼永楊倅等各漢土及本副下標營官兵由鎮江關渡河從西坡進攻剿松坪之後納沙押瓜等寨以阻松坪後路大勝哨叅將邊之垣統百戶馬策張一中提調姚賢播州土官楊應龍應襲楊朝棟等各漢土官兵并官把王規百總馮舜陳柄玉劉福等兵由漢關墩渡河從水磨溝進攻剿松坪之前黃土等寨馮舜陳柄玉等領兵五百名徑赴白泥攻剿番蠻畢收兵徑往水磨溝劄營以防東西二溝護送糧道王規劉福領兵一千徑赴石背白蠟渣攻剿番蠻畢各收兵仍同往王普寨劄營以防各處番蠻出沒總鎮親統標下官兵從白泥兩河口等處催督將領軍兵前進各官於

閏三月二十九日照依分定哨道進剿又該
鎮道預頒軍令條款仍令各哨置豎白旗招
集被虜漢人毋容混殺冒功其降番碉寨示
諭官兵不許擾害違者俱照軍法處治去後
該松潘道副使來經濟前來壘溪面計進剿
事宜即駐鎮平監軍全勝哨官兵督餉道副
使鄭人達馳到壘溪催運各哨糧餉傳諭軍
門指授方略安綿道僉事張世則親督石泉
守備范希正帶領操練軍兵在於白草青片

一帶要隘堵截策應是日總統哨曹希彬督
率漢土官兵李胤芳吳繼勳曹應魁吳文傑
吳成勳等并標營親兵攻剿麥兒楊柳等寨
惡番當陣擒斬俘獲番級共二十五名顆口
燒燬碉房二十餘間同日總成哨萬蓋田中
科下提調張曉斬級一顆同日大勝哨邊之
垣下指揮陳道南千戶顧以亮百戶江朝宗
等生擒首惡三名三十日掌太平堡百戶胡
愷當陣斬級一顆百戶劉三聘斬級一顆同

日總成哨萬整田中科督漢土官兵攻剿松
坪等寨擒斬俘獲番級十名顆口重輕傷兵
二名奪獲番器十件燒燬碉房二十間同日
朱文達督中軍龔卿把總鎮撫千百戶李世
傑路中達于承恩王承武周以德朱文達馮
一老等各領漢土官兵攻破阿齊寨當陣斬
級二十二顆燒燬碉房五十八間奪獲鐵甲
一領輕重傷兵五十一名四月初一日曹希
彬督漢土官兵李胤芳李奇泗等攻剿松坪

兒扒溪等寨當陣擒斬俘獲一十三名顆口
奪獲器仗一十二件燒燬碉房十餘間輕傷
漢兵永寧兵共五名同日郁從禮率土兵生
擒白泥麥兒白蠟渣等寨惡番并俘獲一十
三名口同日萬整田中科督漢土官兵追番
至課格山當陣擒斬俘獲功級共二十六名
顆口全活被虜漢人二名奪獲器仗共三十
一件燒燬碉房十餘間同日朱文達督龔卿
李世傑周以德朱文達馮一老等各領漢土

官兵連破木蘇納沙押瓜等寨當陣斬級一十九顆俘獲賊屬五名口燒燬碉房一百七十間奪獲器仗四件被傷兵二十七名陣亡日挹二名初二日邊之垣督漢土官兵陳道南胡愷孔繼祖張光啓支伏友等衝克松坪兒扒溪麥聚意五等寨當陣斬級俘獲共五十三名顆口全活被虜二名口奪獲器仗一十三件同日朱文達督龔卿周以德李世傑路中逵于承恩朱文達馮一老等漢土官兵攻破王六寨當陣斬級一百一十九顆俘獲賊屬二十六名口奪獲器仗二十二件燒燬碉房七十六間重傷兵三名輕傷兵六名陣亡兵一名同日萬鏊田中科督漢土官兵追至阿烏墨石當陣擒斬俘獲共五十五名顆口全活被虜二名奪回番器十二件燒燬碉房三十間陣亡土兵一名重輕傷土兵八名同日宜賓縣典史吳漢奉差往松坪傳諭軍情行至耳壩溪遇番本官生擒老番一名俘

獲番屬一口同日邊之垣下掌貼永鎮太平
二堡千百戶馮爵王宗斌劉三聘率主戍軍
前去牛尾寨傳諭經過楊柳溝遇番突出當
陣斬級三顆同日朱文達督史可觀領兵於
雪泡嶺搜山斬級二顆初三日萬鏊田中科
督官兵追番至松坪斬級俘獲共五顆口同
日朱文達計撫牛尾商巴等寨熟番解獻生
擒壯番一十一名同日曹希彬督李胤芳吳
繼勳曹應魁李懷陽彭學年等漢土官兵攻
剿松坪俄多兒松溪木蘇等寨當陣擒斬俘
獲功級五十七名顆口全活被虜二名口奪
獲器仗二十一件燒燬碓房四十五間陣亡
兵一名重輕傷兵共二十名初四日萬鏊田
中科督漢土官兵攻剿番賊至黃土坡與番
對敵當陣擒斬俘獲番級三十六名顆口奪
獲器仗三件燒燬碓房二十餘間重輕傷兵
四名初五日萬鏊田中科督石砬兵於阿烏
墨石生擒一名又於兩河口把截全活被虜

一名本日白草寨熟番卜書同百長傅明星等遵安綿道令堵截該鷄公等寨綁獻攻劫新橋堡叛番奔太兒等四名口初六日曹希彬督彭學年李奇泗土官奢崇周等漢土官兵攻打松坪木蘇元積納沙等寨當陣擒斬俘獲番級十六名顆口奪獲器仗三十件燒燬碉房二十餘間同日萬鏊田中科督漢土官兵至黃土坪并督官兵前去策應大勝哨至大雪山遇番出敵當陣擒斬俘獲十三名顆口全活被虜一口奪獲器仗一十九件陣亡兵一名燒燬碉番二十間初七日曹希彬督吳文傑劉海吳成勳曹應魁李奇泗等漢土官兵攻松坪大箐嶺木蘇等寨當陣擒斬俘獲功級二十四名顆口奪獲器仗四件燒燬碉房二十餘間輕傷兵二名初八日郁從禮率土兵於楊柳等寨生擒番賊四名初九日朱文達督史可觀於小松坪搜山生擒壯番一名斬級二顆同日萬鏊下提調張曉至

黃土坪遇番迎敵生擒壯番一名初十日萬
鏊田中科督漢土官兵至小雪山與番對敵
當陣擒斬俘獲共一十一名顆口全活被虜
漢人一名燒燬碉房十間同日李胤芳率兵
追剿至和尚寨後山遇番突出敵戰當陣斬
級俘獲四名顆口重傷兵一名同日曹希彬
督李懷陽等官兵追剿番蠻至松坪山嶺大
石窩當陣斬級俘獲六名顆口輕傷兵二名
奪獲器仗四件燒燬碉房十餘間隨准各將

報稱松坪各番遁聚大雪山嶺必須激鼓士
卒方獲肯捷隨該鎮道面議發懸賞銀分給
各土司官兵奮勇攻戰間十一日萬鏊田中
科率官兵至松坪大雪山頂遇番突出斬級
俘獲三名顆口同日楊應龍并應襲土舍楊朝
棟督兵至黑水界雪山頂架岡與番對敵斬
級俘獲三十六名顆口奪獲番器一十三件
燒燬碉房三十間同日曹希彬督吳文傑夏
奇張明化李懷陽彭學年劉海等標營官兵

攻剿惡番至大雪山嶺見扒溪木蘇大樹等寨當陣擒斬俘獲一十四名顆口全活被虜漢人二名口燒燬碉房十五間同日朱文達親督漢土官兵於老虎崖搜山生擒壯番一名斬級九顆俘獲賊屬一十三名口奪獲器仗十一件十五日新任疊茂叅將劉縱帶領家兵到松坪卽令與曹希彬同哨是日朱文達督史可觀官兵於麻窩嶺搜山斬級三顆俘獲賊屬二名口奪獲器仗一件十六日曹

希彬下李胤芳率兵搜山至松坪勒虎大雪山番蠻出敵斬俘功級三顆口同日萬葵田中科督漢土官兵攻剿勒虎等寨當陣斬級俘獲十九名顆口全活被虜漢人二名奪獲器仗七件陣亡兵四名重輕傷漢土兵四十三名同日邊之垣督楊應龍官目及陳道南胡愷孔繼祖張光啓支伏友等攻打勒虎等寨當陣斬級俘獲二十五名顆口陣亡兵六名重輕傷漢土兵二十四名同日曹希彬劉

督撫奏議 卷之四
三十一
縱督夏竒吳繼勳曹應魁奢崇周等漢土官
兵攻剿勒虎等寨當陣擒斬俘獲功級九名
顆口全活被虜漢人四名奪獲器仗四件自
本月十一日起雪山積陰晝夜雨雪煙霧四
塞松坪惡番屯據山頂聲言糾合大小黑水
要與官兵抗拒我兵寒凍不堪其苦幸奉軍
門憲牌行道查恤凍死兵士隨奉普加犒賞
併密授石畫雪山之役務保萬全等語又蒙
按院憲票軍士被雪衝寒僵伏不起者當厚
其優恤以固衆志黑水險遠難深入其進止
當酌量停妥毋得輕易致有他虞等因當該
各將領將兩院德意宣示漢土官兵人人踴
躍忘其寒苦誓不與賊俱生該總鎮於十六
日親督各哨以永寧爲先鋒播州石砦爲正
兵接戰漢土各兵分翼設竒貴州苗兵亦從
間道預奪其險比遇番蠻一擁迎戰當有永
寧頭目劉國用等挺身直前攻上雪山揮斬
壯番追賊過河播州石砦各兵爭先對敵轉

戰四十餘里擒斬功級各不等火器弓弩打死數多仍被番長杆鐵鈎拖去以致首級未盡找獲賊夫雪山奔入碉寨我兵四面攻圍徹夜大雪屯站巢穴不亂氣愈勇猛次早十七日陰霧未開石砦當先遇賊大戰播州永寧橫衝其陣追至小黑水界四山蠻聚數千矢石如雨官兵捨命衝敵斬獲功級不等番蠻敗入碉房自焚燒死焚碉三十五間賊死無數是夜官兵仍在彼處露宿該總鎮令各

將領鼓舞戰士祝告

神明願求開霽果於十八日天色晴明我兵見四山番蠻挑戰齊心併力合戰再三忽有馬賊千餘出自大雪山溝從後包住我兵前後左右盡是勅敵當有楊應龍勇氣奮激督頭目程萃何邦禎等併劉國用彭受等向前鏖戰吳文傑同親兵史天祿等挺身陣前宣布總鎮軍令今日必死可生欲生必死致各漢土官兵勇氣百倍聲震山谷土兵沈丑兒身中

七箭不退程萃彭受等躍馬叱賊賊遂橫奔
四散官兵追至黑水河邊三處礮房上有賊
約三四百哀乞饒命我兵因晚在彼屯劄次
十九日仍責各番要番牌阿賽各番稱說前
在黑水如今不知向往各將當差兵勇鄉導
共四名直入礮房內諭以

朝廷法度德威諸番畏服情願尋獲阿賽解獻
及將甲馬并造飯三角赴各將領投拜直至
二十三日通只俛首哀求並無一番逆我顏

行者及計筭以前獲功十七日邊之垣揚應
龍陳道南孔繼祖張光啓等督漢土官兵攻
剿惡花寨當陣斬級俘獲五十六名顆口奪
獲器仗十七件陣亡兵七名重傷兵三十三
名凍死兵九名燒燬礮房三十五間同日曹
希彬劉綖督吳成勳劉海等攻剿勒花寨當
陣斬級俘獲二十七名顆口奪獲器仗三件
陣亡標土兵十名臨陣跌崖死一名重輕傷
兵五十名同日朱文達督官兵於老虎崖搜

山生擒番賊一名斬級一十九顆全活被虜漢人一名十九日朱文達督周以德等官兵於小黑水交戰當陣斬級俘獲八名顆口全活被虜漢人一名陣亡兵九名被傷兵二十四名同日楊應龍部兵追番至勒花寨全活被虜漢人一名二十日郁從禮等率兵至和尚寨山頂搜擒白泥寨已獲番蠻卓兒結族番一名蒼兒結同日朱文達督史可觀於兩河口搜山擒斬番級二名顆俘獲賊屬三名

二十一日朱文達督楊宗元于承思路中達等攻剿勒虎寨當陣擒斬俘獲一十二名顆口陣亡標兵一名被傷兵三名二十二日曹希彬劉綎督漢土官兵劉海等攻剿窩窩七卜二寨當陣斬級七顆全活被虜漢人二名奪獲器仗七件輕傷兵四名同日邊之垣督文伏友等土漢官兵攻剿勒蠟寨當陣斬級三顆二十三日萬整田中科督漢土官兵攻剿立地寨當陣斬級俘獲一十八名顆口陣

亡漢兵一名輕傷土兵六名凍死兵一名同日曹希彬劉綖督漢土官兵攻剿立地寨當陣斬俘三顆口奪獲器仗一件燒燬碓房一十餘間重輕傷兵七名同日朱文達督史可觀於松坪小紅崖搜山斬級二顆俘獲一口二十四日劉綖下掌貼永鎮堡茂前二衛千百戶王宗斌馮爵率兵於漢關墩搭橋把截斬級一顆俘獲七名口二十五日曹希彬劉綖督漢土官兵搜剿番蠻至木蘇高菁山嶺擒俘二名口奪獲器仗一件同日邊之垣督兵搜蠻至雪嶺勒窩寨斬級一顆同日朱文達督史可觀於大紅崖搜山擒斬賊級七名顆俘獲賊屬五名口奪獲器仗五件二十六日朱文達督徐佳胤等官兵於紅啞嶺搜山斬級四顆奪獲器仗六件二十七日朱文達督史可觀官兵計撫樹底寨熟番斬獻首級一顆二十九日朱文達親撫商巴寺番牌解獻生擒番四名斬級七顆俘獲一口全活被

虜一口五月初一日朱文達計撫雙橋等寨
熟番解獻生擒番二名斬級六顆俘獲二口
又督徐佳胤於黑咂嶺搜山斬級二顆初四
日萬鰲田中科督兵於松坪搜獲番婦一口
各報到道案查該總鎮於本年二月初到疊
溪查得鬱即長官司土舍噉保先年印信收
貯在庫正謂懲其從逆却乃印不在手每每
怨望常以奸狡鼓動群蠻欲要叛亂新橋之
變實伊主謀原其禍根蓄非一日以故計令

曹希彬邊之垣吳文傑督率官兵同郁從禮
等於五月初四日直抵黑水界將本惡生擒
并擒逆黨茶折俱經解驗訖吳文傑又督同
郁從禮帶領熟番搜山擒獲和尚石背白泥
等寨惡番二名幼番一名初六日朱文達督
徐佳胤領兵於小松坪搜山斬級俘獲共一
十五名顆口初七日朱文達督史可觀官兵
於小松坪搜山斬級一顆俘獲賊屬一口又
計撫鹿卜商巴等寨熟番戈舍等擒斬賊級

六名顆俘獲賊屬三名同日徐佳胤於紅嘔
嶺搜山斬級二顆又該總鎮看得松坪巢穴
官兵駐彼三旬儘力掃蕩業已無敵今我兵
撤回漢關墩料彼潛逃殘蠻必復奔回原穴
仍當再進以彰軍威隨會同行令各將當選
精兵五千餘名出其不意至大松坪一帶番
寨大搜一徧初九日曹希彬劉綎督漢土官
兵於松坪搜剿斬俘九顆口同日萬鏊田中
科督漢土官兵至和尚寨搜剿擒斬俘獲六
名顆口我兵在於壘溪起身過河竹筏沉覆
溺死土兵九名同日朱文達督周以德官兵
於松坪搜剿斬級五顆俘屬四口奪獲馬一
匹牛五隻同日楊應龍督目兵至白蠟渣搜
剿生擒俘獲五名口奪獲番器七件十二日
朱文達督官兵於小松坪搜山斬番級一顆
十四日朱文達督史可觀於雪泡嶺搜山斬
級四顆俘獲一口十五日朱文達督官兵於
阿甕溝搜山擒斬二名顆十六日劉綎報稱

據郁從禮遵奉鎮道令督責魚兒寨降番西
結太等於本月十四日前去各路坐草搜捕
和尚白蠟麥兒等寨斬級俘獲共八名顆口
以上自十八年十二月起至十九年前三月
止又自閏三月二十九日起至五月十六日
止擒斬俘獲全活被虜通共一千一百七十
七名顆口內擒斬八百零五名顆口俘獲賊
屬三百四十七名口全活被虜漢人二十五
名口燒燬碉房七百餘間奪獲器仗三百餘
件番馬十三匹牛羊一百五十餘隻當隨犒
賞各哨官兵訖俱准總鎮移會陸續呈報按
院行紀功道轉發聽紀知縣王曰然驗明覈詳
填給功票聽其願紀願贖願賞至於俘獲賊屬
婦女小口變價奪獲器仗俱入官收貯全活被
虜漢人審察原籍寧家其陣亡被傷官兵俱各
照例支給銀兩優恤外本年五月二十八日據叅
將劉綬手本奉鎮道會議牌行本職嚴慎城堡
料理善後仍諭隣近熟降番寨但有漏刃殘番

即行綁獻不許隱匿等因該本職差郁從禮帶勒骨寨降番前去各山曉諭殘番但早出投降者姑准原宥隨據石觜寨牌頭折挖綁解白泥石觜二寨番牌倉兒太和尙寨牌頭麻抓綁獻番牌庫探兒二名前來投拜活埋悔罪乞饒衆番殘命等因移解到道隨會總鎮并諸將在於教場驗審明白差官押赴疊溪所北門外道傍眼同郁孟賢等活埋呈報訖前項官兵擬於六月初旬次第班撤呈請

兩院詳允隨奉 聖門差旗牌官袁繼禮程希閔王胤胡世奇 共遞郭一元各齎捧

令旗牌至軍前督押回還又該布政司議允行紀功副使陳文煥駐劄瀘縣督餉副使鄭人達移駐新津分守下川南道叅議李國士於本駐敘州府分巡下川南道副使劉惠喬於本駐瀘州分守川東道叅政薛亨移駐江津重慶各照分管地方督發出境該鄭人達預至新津料理舡隻將漢土官兵分派停當行

令魚貫登舟鱗次解纜遄發如流秋毫無犯
又蒙兩院犒賞併將

蜀府義助軍需銀一千兩湊給漢土官兵俱凱
歌回還訖看得楊柳白泥等番蠻盤據疊溪
之肘腋世爲陽順陰逆之賊松坪黑水諸部
落占竊翼域舊幅幘久稱衆暴強凌之雄先
年跋扈結連迺以詐降倖免却不感恩以悔
禍仍復稔惡以窮兇狼吞日侵乎邊關梟張
橫行於道路倚百丈之高礮爲虎穴恣意猖

狂恃千里之峻嶺爲蜂巢合謀大逞誠神人
所共憤而

王法之必誅者幸荷

宸念軫及邊陲羽書徹

九重特從雲霓之望

綸音下萬里用興時雨之師石畫預定於

廟謨方略屢頒於憲檄文武將吏祇承

德意罔不協力以同心漢土官兵肅奉

明威爭先敵愾以報

國以致群兇盡殄各寨悉平期未三旬獲功千計樹漢旌於雪山百蠻潛跡揚

國威於黑水九氏寒心旣洩寃憤於旣往用貽治安於將來各道遵奉憲牌逐一查敘明白及將從征將領并與事各文武流土等官分別功過勸懲緣由開報等因到臣卷查萬曆十八年十二月內節據威茂兵備叅議許守恩等呈報楊柳麥兒等寨番蠻糾聚松坪黑水等寨惡番於本月初六日夜襲

新橋堡

復犯普安新堡子實大松溪等關堡勢甚猖獗等因到臣臣一面調發官兵應援及儲糧置器以備剿處隨經具本

題報訖續據松潘兵備副使來經濟并叅議許守恩各呈報發到官兵陸續斬獲及牛尾等寨番解獻功級并龍池寨投降各事情臣又二次具本題

知至十九年二月內准兵部咨該臣并巡按御史

李各

題報前項番情本部覆議移咨巡撫衙門督行
鎮道文武各官將各屬地方諸寨番蠻偵其
順逆情形隨宜撫剿務令懾服寧戢其應用
錢糧火器等項速爲接濟等因題奉

聖旨是這番夷猖獗着該巡撫總兵等官整搦兵
馬相機剿處以靖地方欽此備咨前來通行各
該鎮道文武等官遵照又據監軍叅政李士
達等呈報擒獲首惡阿呼等并卓兒結及續
斬等語功級等因到臣亦即具本

題報本年閏三月內准兵部咨爲虜虜方深番
亂繼作時勢可虞乞

勅在事諸臣加意隄防隨機撫剿以圖萬全事該
兵科都給事中張棟等題本部覆議移文四
川撫按衙門會同熟爲酌議督率文武將吏
將各番分別順逆首亂者亟行殄滅毋令滋
蔓先降者多方撫處毋令復叛未動者預爲
制馭不致悉逞脅從者咸與更始不致濫及
其守堡各官中有激奮番致生憤釁者亟爲

究處等因題奉

欽依備咨前來又經通行遵照臣看得應用兵糧俱已齊備臣隨移駐灌路就近督催舉事節據鎮道報解自閏三月二十九日起至五月中止擒斬功級到臣先後三次具本

題報訖及將軍前并與事人員効有勞績者檄行監紀三道備悉查明開報去後續據疊茂管遊擊事叅將劉綈揭報巴豬五族未剿番蠻執獻埋奴番蠻覓昔根并甲一領羊一雙

楊柳已剿殘番執獻埋奴惡番白地兒子并皮牌一面皮盔一頂羊一隻白蠟渣玉兒王賽水磨溝等寨已剿殘番緡獻埋奴惡番白石兒加并執皮甲二領小黃牛一頭羊一隻麥兒寨已剿殘番緡獻埋奴惡番葉落并執腰刀一把皮盔一頂弓箭一副羊一隻各前來乞哀埋奴願立木刻認守地方等情審驗是實當將各番埋於各該關堡道傍立碑曉示等因陸續揭報在卷今據前因為照川西

疊茂乃全省有臂松潘咽喉其地則古氏羌而山川幻形天下未有兩者也行旅戍卒往來其中而羌常為梗吮膏脂於裝塘礫石之間而不足塞其高鳥之啄塗肝腦於殺人禦貨之下而不足窮其梟獍之兇其父逸於征討之法者無論矣如楊柳等寨則往以食牛構亂已稍加撻伐之威而日月幾何又復違天而作孽其素越於餉資之外者無論矣如麥兒等寨則歲受糧賞為常昨且在降盟之

內而犬羊無定乃仍稱亂以構兵阿呼卓結等倡把守一言以鼓煽風聲更有最桀黠之噉保為豕封之應聯數十餘寨以共張牙爪且倚最險峻之雪山為虎負之隅其燬我新橋圍我普安虔劉我軍人虜掠我財畜而又掏窀墻道斷隔聲援意豈在疊溪而已乎緣其所恃者懸崖絕壁之險足資其深谿重壑之貪故雖有豢養之仁而不顧所秉者輕生忘死之心復溺於尋戈弄兵之好故雖有

不殺之恩而罔知恣其所至將如火燎於原
滅之未易如蔓滋於野圖之為難矣臣初欲
緩於加兵而不能遏人心之共憤雖亦速於
追捕而止欲殲犯順之渠魁如牛尾雙馬列
角龍池潔白魚兒勒骨索多燒炭溝及巴豬
黑苦等寨早自畏威投降獻款者臣因各道
之詳揭總兵之開陳許其竝生認守不忍黷
武窮誅而楊柳麥兒白泥松坪等寨罪在難
赦者是兵之所不可已也

皇上秉好生之德猶

赫然震怒於臣言惟臣有疆土之司其敢不
宣威而戮力爰建旗鼓有事征誅板幹繕完將馳
驅以恐後儲峙委積士踴躍而爭先一舉而
豕突多殲喋血對壘再舉而鳥巢失險直搗
虜庭縱焚各寨之碉廣奪群攻之具彼虜全
活者不少而壯番俘斬者尤多授首於鋒鏑
之下者可稽而枕藉於煨燼之中者無筭其
事雖臣之所不忍譚而實地方人心之所大

快者也

皇上聖武神威風行八表故諸將士得有所憑藉以成功乃臣則何功矣而且消弭無術至使謀動干戈臣更有咎焉然安敢以已之無掩人之有而不為

皇上一陳之乎所據巡按四川監察御史李 寓韜鈐於文告肅風紀於戎行念共澄清績收寧謐然乃憲臣也例不得敘乃若鎮守四川總兵官左軍都督府都督僉事史綱有陳師

鞠旅之才有難窺重閉之識視黠羌如犬豕而形揣竅決料無遺情鼓戎卒若貔貅而雪立霜行動皆克敵調度得丈人之略謹廉有儒將之風所當特敘優權以酬懋勩者也其諸文武將吏除叅議許守恩已叅論降調叅將邊之垣頃另疏叅治外看得整飭敘馬瀘兵備道監軍叅政李士達謀略富習中甲冑機權運俎上折衝弛張有序而出師整旅作卜筮於諸營擒縱知方而政要兵機挈領袖

於庶寮整飭松潘兵備道副使來經濟援兵
極速而方張之虐焰遂戢其焚惡首先擒而
起釁之罪人乃息其喙運沉機風生筆陣懷
勝甲氣敵干城管松潘副總兵事叅將朱文
達驍勇絕倫機謀出衆信孚呷竹首擒三寨
元克計撫商巴累縛諸巢勁寇善戰真稱奇
男子多筭無忝名將軍川貴叅將曹希彬險
夷洞識邊形虛實能察彼已臨陣爭先於列哨
獲功最懋於大征况當始事經營卒收萬全

勝筭東路叅將萬鏊課格威揚復縱橫於墨
石松坪烈著更掃蕩於雪山才鋒足冠三軍
武勇允當一面都司僉書田中科志銳擊鵬
功章勒虎忘閩越之遷於度外制吐蕃之勝
於目中以上諸臣功當首論俱應加陞職級
內叅將朱文達既不以防虜之故視秦越於
隣羗又能以同舟之情涉艱難而共濟破虜
稱最解圍尤奇仍當卽真副總兵以重事權
者也軍驛屯鹽茶水道紀功副使陳文煥錄

擒斬俘全如燭照數計別壯中老稚必目睹
躬親軍中多借箸之籌筆底無虛功之冒分
巡川西道督餉副使鄭人達計全餉於胷中
而催督殫夙宵之力指兵籍於掌上而營中
無庚癸之呼趣哨有勞撤兵尤善按察司按
察使陳薦才優八面更沉幾以定糾紛而声
色不形筆掃千雷本實學以經世務而謀猷
自別居然

廟廊之具堪備節鉞之需布政司署印右叅政
尚耕清全省帑庾而冠履之嫌凜若議大舉
兵賦而盤錯之解裕如節約動合成規重厚
可當大事安綿道兵備僉事張世則心惕於
隣之震謀周末雨之防功能不後於他人勞
勤勤宣於境上疊茂叅將劉綖甫臨信地晚
入行間增一簣於九仞之垂成懾諸巢於數
梟之死擔都司掌印署都指揮僉事阮維藩
神馳塞外業助師中謹軍容之飾而耳目一
新敏戰具之脩而精采胥別成都府知府詹

思謙勞著封疆力紓籌策視邊地皆吾郡地
跋履於極寒極暑之時議戎功無異民功周
全乎成始成終之績以上諸臣功應優論者
也平番守備史可觀勤恪而武英爽有文揚
威於險隘之斬俘効力於元梟之殄戮贊畫
成都府同知錢紹謙軍前畢策心誠苦於良
工公爾忘私身不難於輿疾督餉馬湖府同
知汪京夙陳方略胷有甲兵之蟠日勤籌等
士無樵蘇之慮聽紀雙流縣知縣

別首功之中壯明而非苛丁寧婦幼之生全
慈以行義此四臣者在文武大吏而下功當
優論者也小河遊擊王之翰敘州府知府唐
守欽灌縣驗糧通判劉學軾松潘監收通判
尹希孔威州知州路車管保縣事雅州知州
麻康眉州知州易可訓灌縣知縣羅樹聲成
都縣知縣楊應霈華陽縣知縣周希聖郫縣
知縣胡化温江縣知縣全方中軍指揮今陞
坐營官楊應昇石泉守備范希正以上諸臣

或譚邊裨主將之謀或驗餉佐三軍之急或
勸勦於鎮地或隄備於隣封或宣力轅門而
承事以有終或戒舟江上而班師之利涉或
竭力應水陸之衝或敏捷得緩急之備功當
次論者也總鎮標下中軍浙江三江所百戶
吳文傑貴州衛百戶周以德松潘衛指揮龔
卿李世傑鎮撫路中達百戶于承恩寧川衛
指揮吳繼勳陳道南百戶孔繼祖敘南衛小
旗李胤芳提調李奇泗寧川衛百戶張光啓

敘南衛指揮李懷陽總旗劉海成都前衛千
戶彭學年成都後衛百戶曹應魁吳成勳壘
溪所百戶胡愷茂州衛總旗支伏友浙江金
華所小旗朱文達湖廣鎮遠衛百戶應襲楊
宗元小河所正軍馮一老以上諸臣或明能
料敵如鷹鷂搏擊以無虛或勇足當鋒若熊
虎吞噬之欲盡已攻擊刺竝協科條所當查
照功級敘陞內吳文傑稱智囊而善鼓舞周
以德負膽略而法縱擒仍當紀錄以備將領

之選者也瀘州衛指揮夏奇申于朝鎮撫李
世爵敘南衛指揮張明化千戶吳世榮百戶張
四維總旗黃選名色把總倪時舉成都前衛
指揮瞿鎮後衛指揮陸起鴻百戶李應詔陳
三畏右衛指揮朱文光千戶宋慶龍百戶牟
茂所鎮撫吳三近百戶楊中魁王用文田應
冬寧川衛指揮湯武提調張曉松潘衛指揮
徐佳胤大渡河所都指揮曹銓百戶馬策雅
州所百戶張一中提調姚賢建武所百戶張

桠芳小河所革任百戶王承武以上諸臣或
橫陣而馳突無前或探巢而艱危不避雖未
登於陞格已各豎乎戒功所當重加賞賚者
也成都右前等衛百戶袁繼禮程希閔王胤
范宗正胡世奇盧詔郭一元李天培吳遜李
繼宗都司斷事林守芳松潘衛經歷馮應樞
知事吳仲平內江縣主簿馮文瀾江安縣主
簿楊朝憲宜賓縣典史吳漢安縣典史聶良
貴新繁縣典史徐廷漢新津縣典史吳一誠

郫縣典史姚承訓茂州吏目楊太宇威州吏目段一相以上諸臣或徵調如期而所過先嚴乎約束或幹才素裕而隨事克敏於馳驅所當竝加賞賚者也播州土官楊應龍襲楊朝棟永寧宣撫奢崇周石砭宣撫婦覃氏土舍馬千駟攻堅陷陣率冒險以先登破竹燎原尤殊死而敢戰天全土舍高繼永高金俸楊倅勤

王念切聞檄至以遄趨敵愾心雄期滅此而後食以上諸臣俱當分別敘賚內楊應龍屢逢勅敵輒見驍雄衆咸推其勇敢而辭賞甚堅旅久無懈實乃得之困衡似當量復本等職銜俟會勘明確之日議其罪狀上

請定奪馬千駟隨母遠征擊番多獲紀律嚴而秋毫無犯部伍勇而衝突稱奇據訴欲辯伊父馬斗斛之贓罪則事在別卷當俟勘結裁處欲釋伊兄馬千乘於囹圄則原係代父併贓當蚤為釋放者也其他一應有事員役或供

糗補而轉輸跋涉之多勞或整戈盾而擊刺
捍衛之有藉或督趨其進攻而無蹈逗遛之
失或截遏於要害而竟免奔突之虞雖於例
應獎賞然皆臣所得行者不敢因沿往牒瑣
瀆

宸聰臣已酌量施行至於罪所當問法不可原者
除把守指揮鄧承業掌貼官梁繼武謝繼祖
等已該巡按御史叅提候

旨處分土舍郁從禮雖有部下斬獲之功難贖勾

引交通之罪業已懼罪身死勿論外其石灰
溝熟番白地結等志

中國之恭恩作叛夷之嚮導今已緝拏解省見
批按察司嚴元侯招問的確徑行正法者也
然臣又竊聞道路之言矣謂雪山千仞勢難
仰攻况以攀藤捫葛之勞併於張弓挾矢之
手萬有一得百倍平原而今累累斬俘見為
奇絕又謂興師未及五旬獲功已踰千百漢
土之來往自由城邑之安堵如故皆行師之

所難必者似謂人力不至於此與臣所歸於
聖武神威者適有相同則今茲敘論似屬貪天矣
然非是無以鼓將卒而重封疆臣不敢避也
若夫濫舉市恩徇名淆實則臣豈敢伏惟
勅下兵部議覈施行緣係仰仗

天威蕩平稔惡番蠻查殺功次以昭激勸事理未
敢擅便爲此具本謹題請

旨